


MABIZO A NYEFULA

 Ni itumezi, Muzwale Neville. Wo ki mufuta wo—wo ku komokisa ku na. Ne ni sa lukeli kuba kwanu kacenu. Kono, busihu bwa kacenu ki busihu bwa mulalelo, mi Ni—mi Ni hupuzi kuli Ni tahe kakusasana cwana. Mi Na biza Muzwale Neville, mi ki hali, “Kihande, cwale, haiba utaha kwanu,” ali, “kiñi fela ha u sa to lu kutazi kwateni hanyinyani?”

² Mi Na hupula kuli, kihande, hane Ni ka taha, mi ku konahala, Ne ni sike na kutaza, kono ni tabela fela kuambola kwa keleke hanyinyani fa litaba cwalo, mwa ziba, ze Ni sepa kuli li ka tusa keleke.

³ Kona lu sa zo kuta fela kuzwa mwa—kuzwa mwa musipili wa luna wa kuzuma nako ya litabula, mizwale ni Na, fa, mi ne luna ni nako ye kanya. Lu—lu itumezi hahulu, kaufela luna lukusi, mi—mi lungile lifolofolo za luna zene lu bata. Mi—mi mulisana wa luna ni Na luziba kuli nama ya puti ki yende, luli. Mi kacwalo ne luna ni puti yende. Mi Ni na na swala bere ni likwalata zepeli. Mi se lu kuta.

⁴ Mi ye ilukela kuba nako ye Ni lukela kubulela fa Maswayo a supa a mafelelezo ani. Mi ne ba si ka lukisa keleke. Mi kuna ni sesiñwi, se si tibela, se si tizize cwalo. Kuli, Ni sepa tolopo i lu fa nzila yetata, bakañisa ku tokwa sibaka sa ku beya sicaba seo lubata . . . seo keleke ikona kuba ni sona.

⁵ Lu bata kuyaha keleke yenca fa, mi lu na ni siemba sesinde sa masheleni kale a lukiselizwe musebezi woo, ni—ni kuba ni—ni keleke yetuna. Kono hane luna ni lisebelezo ze, kiñi, mwa utwisisa mo liinezi. Ki nto yeutwisa butuku. Sicaba siyemi kwa mamota, ni fande mwa pula, mi—mi—mi kinto yemaswe fela. Mi mane nihaiba twaniso izwelela kwa balikani baka. Bali, “Muzwale Branham, ku bonahala inge kuli neba . . .” Dokota mulikana ka, ali, “Ku bonahala kuli wakona kuba ni sibaka.” Ali, “Ni iikutwa bumaswe, hane ba fita cwalo.”

⁶ Nasi yapila mabapa ni sikwalo se sitatama kuna, ali, “Kiñi, Ni tile kwani kakusasana omuñwi ka faifi kiloko. No lukela kuba kwani . . .” Mi ali, “Sicaba ne si kopani kale kwa keleke yani kulo kafani, ka faifi kiloko kakusasana. No lukela ku ba kwani ka naini seti.” Kacwalo, mwabona, mi iba nto yetata.

⁷ Mi lu bata keleke yena ni sibaka sesituna nyana, ko kukona kuina batu kaufela hande fafasi. Mi lu nahana kuli lupila mwa mazazi a maungulo, lu lumela cwalo. Kuli ko ne kubile . . . Lu swanela kuluta Keleke ka—ka—ka litaba ze, sweli kuezahala ze, litaba ze polofitilwe, zeñwi za bona, ki myaha ye likitikiti. Mi mwendi ka myaha ye twenti-faifi ni ye mashumi amalalu cwalo, ki ze polofitilwe, kuli li ezahale. Mi cwale lu na ni zona litaha

kuli liezahale. Kacwalo lu lukela ku ncaafazanga lika ze, kono haluna sibaka sesituna. Kacwalo kakusasana cwana . . .

⁸ Ne ni ba ni lipizo zaka ni zeñwi, maabani, mi Ni na ni zeñata ze ni lukela kuba ni zona, musihali woo, ni zeñwi cwalo. Mi cwale Ne ni na ni batu bene ba bata kutaha, ki mutu yomunde ya lateha, ya ikalezwi fela, ki muzwale wa mukutazi mwa simu. Ni babañwi baba cwalo, ni muzwale ya zwa kwa Norway. Mi—mi neluna ni lipuzo nyana za kwa mulaho mwa muzuzu wa kwa mulaho. Mi se Nili, “Kihande, cwale, lu ka zwela fela fande.”

⁹ Mi Muzwale Neville ali, “Kihande, ne lu ka taha ku to bulela manzwi nyana a ku tiisa Keleke fa nako nyana.” Ya pil- . . .

¹⁰ Iliñwi ya lika za pili ze Ni bata kubulela. Ni ñozi litaba zeñwi fa pampili fa, kuli, ha Ni taha kwa keleke, zene Ni bata kubulela. Nto iliñwi ye Ni ñozi fa ne i zamaelela ni za kutimema kwa Muzwale yomunde Taylor ha ne lu sa ile.

¹¹ Muzwale Taylor u bile ataha kwa keleke ye fa lilimo ni lilimo. Kaufela luna ne lu mu ziba, Na sepa. Kono haiba ku kona kuba baeñi mo, neli yena muunamuhulu yomunde yani ya na ku fumanelanga sipula fa kuina. Muzwale Tylor, nako yefelile hane Ni mu boni cwale, kufitela Ni mu bona ali mucaha, na yemi fani fa munyako mwendi ka Lisunda zetalu kamba zene kwa mulaho. Ki hali, “Ni tabela kuba ni libuka zeñwi, Muzwale Branham. Ni tabela ku hasanya libuka zee.” Kacwalo luna, yena . . .

¹² Se Ni utwisisa, nana ni butuku bwa shuka mi akena mwa koma, mi kusina . . . na sa zibi kuli na na ni butuku bwa shuka. Mi—mi nali . . . A shwa. Na si ka shwa. Na ile fela ku yo ba ni Mulena Jesu.

¹³ Mi nali ya muzwale yomunde, ya sepahala, kamita utokomela batu babañwi. Mi tabo ya hae neli kulika kufumanela mutu sibaka fa kuina, ha taha kwa keleke. Mi mwa ziba, mwendi, ha lu ka silela mwabuse bwa Museto, kana ha ina ku ba hande ku yo bona Muzwale Tylor kwani, a yo lufamena sibaka sa kuina kwabuse kwani?

¹⁴ Ni sepa kuli, ka kuba ni kupuzo ya Muzwale Taylor . . . Ne ni si ka kwanu kuli ni ambole ni Muzwale Neville, kwa maswabi a hae, kono Ni bata kubulela linzwi nyana la buitumelo, ku mbelwa wa hae. Kezeli Taylor, Na sepa, uteni mo kokuñwi ka kusasana cwana, ku fuyolwe pilu ya hae ye ishuwile!

¹⁵ Muzwale Taylor, zazi leliñwi naize, “Taha u to ni bona. Nina ni kasa nyana ko ni katile kwani, ni beile litapi nyana mwateni, kacwalo utahe u to shuta.” Nako kaufela na tokomelanga mutu. Mi ne kuna ni mutu ya na mu tokomela, yani neli Kreste, ka ku mufa piliso.

¹⁶ Na sepa, mwa ka ku mu hupula, kwa keleke ye, haine i kopananga sina mubili kakusasana cwana, halu yemeñi hamoho, lu inamiseñi litho zaluna fapila Mulimu.

17 Ndata luna yakwa Lihalimu, luna ka kuba batu kakusasana cwana, hamoho ni—ni ba ba tahanga kwa sibaka se ku to lapela. . . Lizoho la hao lelituna li zamaile mwahala luna ni ku lu amuha alimuñwi wa mizwale ya luna babande yo lu lata, ni kuziba kuli No mu lata. Mi No na ni libaka la se kaufela, Mulena, kusi cwalo ne ku si ke kwa ezahala ka nzila ye, ka kuziba kuli Bibebe ya luna ya lu bulelela, kuli, “Lika kaufela libeleka hamoho kwa kutisa bunde ku ba ba lata Mulimu.” Mi seo ki sa eza.

18 Mi ha lu talima kafa ni kafa, mwa lifasi, mi lu fumana ze bupilwe ka mukwa kaufela za lu bulelela, kuli libita halikoni mu tibela, kakuli fa lifasi na sebelelize mulelo wo No mu lumezi fa kuli aeze. Nali muzwale yomunde, ya ishuwile.

19 Lu fumana kuli mwa bupilo bwa limela, mi mwa bupilo bwa lizazi le li pazula kakusasana ku lu fa liseli. Mi mwahala musihali li ba mwa lilimo za bunca. Mi kipeto manzibwana la shwa hape, mi li yo pazula hape kakusasana habusa, le li mezi mi le li nca, kakuli li sebelize mulelo wa Mulimu.

20 Lubona lipalisa ha nze li pazula ni ku kabisa lifasi ni ku apesa miyaho mamota a maswabi, ni libaka za linawenga, ni kuba ni musebezi; li kwalula lipilu zalona ni kufa zeswanela, mahala feela, linosi kwa muka, ni sende ku muzamai, bunde ku mubati. Ifa kaufela se inani, mwa sebelezo ya Mulimu, mi i inamisa toho ya yona yenyinyani. Kono cwale litabula ha litaha, la pazula hape, kakuli li belekile mulelo wa Mulimu.

21 Mi fapila libupywa kaufela, ni Bibebe, sepiso, ni Moya o Kenile, lwa kona ku nyakalala ka tabo mwa lipilu za luna, ka kuziba kuli Muzwale wa luna Taylor, ona cwalo, Mulena, na sebelize mulelo wa Mulimu. Ni kubulela kuli haana kuzuha hape u ka latula Bibebe yaluna, Mulimu waluna, mi lika kaufela zeo Mulimu alufile kuli lutalime, ka kuziba kuli kuna ni zuho. Kacwalo lu libelezi nako ha lu ta mu bona hape, ha li mwanana mi ya iketile mi kusina ku yo kula hape ni ku supala.

22 Fuyola musala hae yomunde, yena mulikana hae ya ishuwile yani. Ka mo lu ka ba tondela, nako yetelele, Mulena, halunze lu ba bona ba ya hamoho kwa siliba, ni kuina fa lipula nyana fande fani, inge a shuta, ni kuambola, mi mo ne ba bezi balatiwa hamoho.

23 Mi cwale lu ziba kuli kuna ni Lizazi lelituna lelitaha, foo bahali ba tumelo ha ba ta zamaya ku caula mwatasa tulo yetuna, mi Mangeloi a . . . ni minembo ye ka tala mbyumbyulu. Lu ka ba bona hape mwa sibaka sani.

24 Kufitela nako yeo, Mulena, lufe kutiya. Lu fuyole mi lu tuse. Lu ka mu tonda Muzwale Taylor, ni kaufela ya tahanga kwa keleke ye, ha na ka yema fa sikwalo ni kufumana sibaka sa kuliya taha ku to utwa Linzwi la Mulimu, ku to ina fafasi mwa buiketo ni pumulo.

25 Zazi leliñwi ha na fita, Mulena, Na lapela kuli Nduna wa lingeloi la Mulimu na yemi fani fa munyako, ku mu fumanelaa sibaka, ni yena, Mulena, mi na ina fafasi. Kakuli ku ñozwi mwa Bibeke kuli, “Ba ba na ni sishemo ba ka shemubiwa.” Kufitela lu mu bona, Mulena, mi cwale likupuzo lizwepili ha munati mwa lipilu za luna, kufitela zazi leliñwi haluta kopana hape mwa Naha yeñwi. Ka Libizo la Jesu Krete lwa kupa. Amen.

26 U ka tondahala luli mwahala luna ni mwahala baenyi, ni babañwi cwalo, baba tahanga kwa keleke yaluna, kamba muyaho wa luna mo, ku to lapela. Mi moyo wa hae u pumule mwa kozo fapila Mulimu, kufitela lizazi Lani.

27 Zazi leliñwi, niluna, mañi ni mañi wa luna lu ka ya, alimuñwi ka alimuñwi, kufitela lu shetumukela mwa mukoloko o cwalo. Kifo he cwale, ha lu na ni nako, mi lukona, lu itukisezeze ye taha yani; kakuli halu zibi kuli ikaba lili. Halu zibi ya ka tatama. Lu pileñi cwalo, kuli zazi ni zazi, kuli haiba likona kutaha, kuli haiba likona ku taha, li kaba ku luna, lu ka be luitukisize.

28 Cwale, Ni tabela kufa lizibiso. Cwale, cwanoño, mwendi, mwendi, Ha ni si ka bulela ni basepahali kuzwa fo ni kutezi, kuama ni buino bwa muyaho yona—yona keleke kwanu, kamba se luna ni kueza kasamulaho, wa kunga keleke ya luna kuli lu be ni mukopano wa luna. Mi Ni ka zwelapili, mu ni swalele, ka—ka Maswayo Asupa, mi cwale ni Lipizana ze Sebene, ni lika zeñata ze lu lukela ku kena ku zona, kapili ona fa cwana.

29 Mi cwale, Sunda yetatama kakusasana, kwani, Ni lukela kuba kwa Elizabethtown, Kentucky, ni Muzwale L. G. Hoover, kwa—kwa sebelezo ya kuneela. Mi seo ki ku neela tabernakele yenca, kamba tabernakele ye ba lekile kwa Elizabethtown, Kentucky. Kutaha mwa 62 mane kufitela mutaha kwa Elizabethtown, kamba kushetumuka cwalo, Ni talusa, 31, kamba kushetumuka fo kulifelwa limota mwa nzila. Ona fa makaunahelo fani, a i milibisa kwa Elizabethtown. Ki hola fela cwalo. Mwendi ki seti-faifi, limaili ze mashumi amane cwalo kwani. Na sepa, mwendi ki limaili ze mashumi zene, ka nzila ya. . . ka 31, mi mwendi ka limaili ze seti-faifi, kamba nto yecwalo, nzila yeñwi, kuyofita fa malifelo a limota. Ki mukwakwa wa Mulberry Street.

30 Sebelezo ya kuneela. Muzwale Hoover ukaba ni sikolo sa la Sunda ka teni kiloko sina kamita. Mi Ni lukela kukutaza sebelezo ya kuneela, kuzwa ka ilebene kuisa twelufu, Sunda yetaha ye, Njimwana ka ilebene.

31 Fa limati la lizibiso kwande kwani, ki—ki makande a zona. Mi ikaba ka. . .Mwakona kufumana nzila ya mina kuzwa ona fani. Ki fa mukwakwa wa Mulberry Street. Kamba baka—bana mi fa lisupo mwa ku zamaela kwa. . . Liñozwi fa limati la zibiso fani fande a munyako wa keleke.

³² Mi, haili—haili Njimwana la—la twenti-tuu, Ni—Ni lukela kuba kwa Shreveport, Louisiana, la twenti-tuu, twenti-sili, twenti fo, twenti-faifi, twenti-faifi, ni—ni twenti sikisi. Mazazi a ketalizoho, Na sepa, kwa Shreveport, Louisiana, fa Life Tabernacle. Kwani kuna ni Muzwale Moore. Basweli ku nyakalala tukuluho ya bona ya gauda. Mbuyoti ya pentekota ne iwezi mwa Shreveport, Louisiana, myaha ye mashumi aketalizoho kwa mulaho, la twenti-tuu ona kweli ye. Myaha ye mashumi aketalizoho, liñusa la pili la pentekota la kotalizwa. Mi la wa, Moya o Kenile wa suluha, mwa Louisiana. Mi bana ni kupuzo ku sani, mi ye ki kupuzo ya myaha ye mashumi aketalizoho. Mi Ni lukela kubulela ka tukuluho ye, masihu aketalizoho, ni Muzwale Moore, kwa Shreveport, Life Tabernacle.

³³ Haiba mu na ni balikani babali kwani ni libaka zani, kupalañi, bao mu bata kuñolela, kamba nto yeñwi, lu ka tabela ku ba ni bona kwani. Ni ku ba bulelela fela ka za mikopano ye taha.

³⁴ Mi Life Tabernacle, haiba kuna ni yakile aba kwani ni Muzwale Moore, ki muuna yomunde. Mi kuna ni sikwata sesinde sa batu, ba kwa Mboela bani. Hamukoni fela ku ba fita. Mi kacwalo, Life Tabernacle, mañi ni mañi mwa Shreveport wa kona ku mi bulelela ko i fumaneha. Shreveport ki sicaba se si likana tu handeleti sauzande. Mi ki muleneñi omunde, ni sibaka sesituna sa mafitelo. Kacwalo . . .

³⁵ Mi tabernakele ki tabernakele yetuna, tabernakele yetuna luli. Ina ni fahalimu, ni situha sa fahalimu, ni bulilo bwa fafasi, ni bulilo bo buñwi kufitela fani. Mi ku na ni fela sibaka sesituna kwani. Mi fabuse fela bwa muyaho wani ku kwana batu ba faifi sauzande. Inge—inge fela kutula mukwakwa kwanu, muliba kwa muyaho tuna wa mwa muleneñi.

³⁶ Mi Rev. Jack T. Moore, kamba—kamba yona Life Tabernacle kwa Shreveport, Louisiana. Ye kalisa ka la twenti-tu. Lani i kaba la Bula-. . . Labune kuisa Lasunda. Labune, Labufaifi, Lapelekelo, Lasunda, mazazi amane kufita kuba a ketalizoho. Mu ni swalele. Lani ikaba la twenti-tuu, twenti sili, twenti-fo, ni la twenti-faifi. Ni sepa kuli kona cwalo, ka—ka Njimwana.

³⁷ Mi he, lu ka fumana cwale libaka ka za, ze lu ezize ka keleke kwanu, kuli luzibe ka mo keleke i zamaela kuzwelapili ka za kuba ni muyaho wa yona. Bayahi ba lu bulelela kuli bakona kubeya batu babañata ku yona, kufitela mwendi ka mazazi a lishumi cwalo kona lu kona kuya kwateni, mwabona, kapili fela. Mi ba libelela fela kuli muleneñi u nyatele. Mwa ziba, mi lu swanela kuba ni sibaka se situna kwa kupakiñela limota, ni zeñata *zeñwi*. Mi, oh, mawi, ku na ni mulao omutuna wa kutokomela fa kukena mwani, ka kukala kuyaha sika kayaha

sika kaufela. Kono Ni tabela kuya kwa keleke Ni si ka kutela kale mwa simu hape.

³⁸ Cwale Ni amuhezi pizo ya kuya kwa Tanganyika, Uganda, ni libaka zani. Joseph una ni mikopano ye libelezi kuba kwani kweli ya Yowa.

³⁹ Mi maabani, ha Ni kena mwahali, nekuna ni mizwale yemiñwi, ni Kezeli Thoms ni babañwi, bene ba zwa kwabuse bwa mawate, ne se ba keni. Mi se . . . Ni fumana kañolo inge kali fa munyako waka, kamba—kamba memo yene zwa kwa—kwa katengo ka mwa South Africa. Kacwalo Na ba ñolela, kuli ni fumane se si kona kuezahala. Mwendu, ha Ni li kwahule cwalo, Na kona kutuluka mwa South Africa, mwendi, mwa kalulo ya mafelelezo ya Yowa ni Liatamanyi, ka linako zani.

⁴⁰ Mi lu sepa ku isa keleke fahalimu, kuli Ni kona kenye Masika a Likeleke ze mwateni, mane—mane maliha a sika fita kale, haiba ku konahala. Haiba ha Ni ezi cwalo, kamba ha Ni ka tokwa kukuta kwani, haiba Mulena Jesu a liyeha.

⁴¹ Ha ne ni swelsi ku teezeza maabani inge Ni ambola, ni sepa neli maloba fani, ka za tepu. Ni sepa ne ni I utwile ha i lila mo kakusasana cwana. Muzwale yomunyinyani yomuñwi wa kwa Mboela na nani . . . Bo mahe ne ba tile mwa mukopano. Nana ni sitombo sesituna fa lizwele, mi na apesizwe ki lifu. Mi Moya o Kenile, ku omuñwi wa mikopano ya ku foliswa, kwa Southern Pines, Na sepa neli kona, kamba kokuñwi, amu bulelela, ali ka butata bwa hae, ni yo nali yena, ni kwa na zwelela. Mi a bulela kuli nana ni mushimani ya na wile mwa tumelo, mi na na ni kuba ni kozi, kusina kubata kubulaya. Ni lika zeñata hahulu cwalo. Mi mutangana yo . . .

⁴² Kaufela ne li ezahalile fela ona cwalo. Mi sitombo sa hae sa kansa, kamba sikoto sene si melile, nitaluse, sa musiya. Kanti mane, sikoto sesi mela ki kansa, mwa ziba. Kacwalo he sa—sa mu siya. Mi mushimani aba ni mulatu wa kubulaya mutu, ni lika kaufela ona cwalo fela sina Moya o Kenile mo no li bulelezi. Mi a etelelwa ku Kreste, kukuta hape. Mi a panga tepu ka yona, mi Ne—Ne ni i utwa ha i lila. Kana ne mu ikozi ngambolo nyana yani, ya kwa Mboela? [Kopano ili, “Amen.”—Mu.] Ali, “Kwanu kwa North Carolin’er,” a bulela. Oh, Na lata fela cwalo, sicaba sa kwa Mboela sani. Mi nabile fela . . . Mulena na mu fuyozi fela kuzwa fani. Ki hali, “Ni ziba kuli ha u kutazangi tuto, Muzwale Branham; konji fela kwa puteho ya hao.” Ali, “Lu siemba sa kopano ya hao.” Kacwalo sani ne si lukile ku yena, ka ku si bulela cwalo.

⁴³ Mi cwale ku na ni siswaniso, Na sepa, mwendi, li fa limati la zibiso kakusasana cwana. Haiba ha si yo fateni, Billy u ka si beya fateni. Ka linako zeñata ku bulezwi, ha Ni kala pili kubulela, kuli ne ba ize, “Mu nahane fela, Muzwale Branham, kuli u bone Liseli lani, Liseli lani.” Kuna ni, mane . . .

44 Kwa kona kuba babañwi baba siyezi mo, sicaba sa bakale ba hupula cwalo, siswaniso si si ka ngiwa kale sa Sona. Kana kuna ni yomukana mo ya hupula ha ni bulela cwalo, kale kafoo? Mutalime. Ki mazoho fela amne kamba a ketalizoho cwalo. Kezeli Spencer fa, ni Muzwale ni Kezeli Slaughter, ni—ni muzwale *fa*, ni muzwale kwabuse *kwani*. Ki batu fela baba ketalizoho kamba baba silezi ba kale baba siyezi.

45 Kihande, cwale, kasumulaho nyana, liito la mushini wa kamera lani la to swala siswaniso sani. Kacwalo sa ya kwa Washington, DC ni ku yo kena mwa batikitibi, ni ku kuta, “Kusina ku bonahaliswa ku sesiñwi fela.” Ali, “Liseli ne li monyehile fa liito la kamera.” Yani ki George J. Lacy. Una ni libizo la hae le li nyatezi. Mwabona?

46 Kihande, he, linako zeñata mwa utwa, mutalime mi muli, “Kuna ni muluti omunsu fahalimwa mutu *yo*. U apesizwe ki muluti wa lifu.” Ki ba bakai baba ni utwile ha ni bulela cwalo? Linako zeñata, mwabona, linako zeñata. Kihande, ne ku ezahalile kuli kamera ne i to swala sani. Mi kacwalo lu nani se fa.

47 Kalibe yana tile ku kezeli mi a mu bulelela, mwa mukopano wa—wa Carolina, kone luna ni mukopano omunde hakalo kwa Southern Pines. Mi kwanni, kalibe yani na bulaiwa ki kansa fa mazwele amabeli kaufela. Mi madokota ne se ba mupalezwi bali ashwele fela. Mi kalibe yani ainama fela fafasi ni kuswanisa, sina fela mo ne Ni mu bulelezi ka libizo la hae, ni kwa na zwelela. Mi se Nili, “Kuna ni muluti omunsu fahalimwa hao. U apesizwe ki muluti wa lifu.” Mi kalibe a napula siswaniso sa se. Mi ki sani fani ka liito la lisipi za kamera, si bonisa muluti wa lifu.

48 Haiba kaufela mina ne muboni *Milao Yelishumi*, mi muboni lingeloi la lifu, mo ne li kenezi mwateni, ona lififi lani, muluti o bonahala ku sabisa, u inzi fa siswaniso se. Mi Ni sepa kuli si fa limati la lizibiso cwale. Haiba ha ki cwalo, Billy wa ni utwa, kupalañi, u ka sibeya fa limati la lizibiso. Mi si na ni lisho le li supa ku mutu. Mi mutu yani, muluti wa siya musali yani, mi a foliswa ka makazo luli. Kono fani ku na ni kwani cwalo, musi o munsu o potolohile ku musali, ni ku lepelela fani fa kansa cwalo, inge i zwa fani. Kakuli, wani kona muluti fo ku suluhela lifu, hape, kuzwa kwa kansa.

49 Kihande, hakuna taba ka mo likela kubulelela sicaba Niti, kuna ni ya ka akaleza kuli ha Ki Niti. Mi haiba kamita u bulelanga Niti, konakuli u ziba kuli u—u bulela zelukile.

50 Nina ni mulikani wa—wa muzumi, kwani kwa Wiko. Mi—mi sibaka sani sa lifa mali alikana fo sauzande madollar ka mota ya kuzamaya mwa litwa, kuli abale lifolofolo ze ne siyezi mwa libala la Troublesome Valley. Bo. Jeverez yana inzi mwa keleke mo, ye ne Ni tisize ku Kreste, ya na sa zibi za bumulumu. Mi mu ni utwile ha ni bulela likande la luna ha lu pahamanga lipelesa hamoho. Mi na si ka lumela mwa sika kaufela kwanda lituto

za Darwin. “Mi Mbututu yani, yana pepilwe ki mwalanjo, neli bukuba.” Mi ne lu kopani busihu bobuñwi ona fa na amuhezi Kreste fani.

⁵¹ Mi kacwalo he muuna yo a ba bulelela. Ki hali, “Cwale, ha mu lukeli kuleka mota yeo, ona mota ya mwa litwa yani.” Nali, “Ni ka mi bulelela kuli kuna ni likwalata zekai fahalimu fani.” Ali, “Kuna ni ze naintini.” Ali, “Nekuna ni twenti- . . . Nekuna ni ze twenti-wani, mi Na bulaya zepeli za zona.” Mi na sweli kuambola ni mulibeleli wa lifolofolo. Na sa lukeli kubulaya konji iliñwi fela. Kacwalo ki hali, “Nekuna ni ze twenti-wani, mi Na bulaya zepeli za zona. Ni kusiya ze naintini.”

 Mi ki hali, “Eeni, Jeff, Ni ziba kuli u bulaile zepeli za zona.”

 Ki hali, “Ni ezize ona cwalo.”

⁵² Kihande, ba nga mota ya kuzamaela mwa litwa, ki bao ba funduka, nekuna ni likwalata ze naintini. Ki hali, “Billy, u bulelelenga fela mutu niti; ha si ke ku li lumela.”

⁵³ Kacwalo he kona mo li inezi fela ona cwalo. Wa kona kubulelela sicaba Niti, mi ibo bona . . . Ku bile babañata hahulu baba sa utwisisani ni—ni kupuma buhata ka litaba ze kufitela ba palelwa kulumela kuli ubulela Niti kanti wena u bulela Niti. Mwa bona?

⁵⁴ Kono lu itumela hahulu kuli luna ni Ndate wa Lihalimu Ya paka Niti yani ka tiisezo. Ki niti. Kacwalo he haiba le ikaba lizazi laka la mafelelezo mwa lifasi, ki . . . mane nihaiba lipatisiso za sayansi ni bupaki li pakile kuli Ni bulezi Niti ka litaba zee. Yeo ki niti. Ki Niti. Kacwalo li ka ba fa limati za zibiso luli. Billy, kana uteni kulo mo nji? Una ni sona mwa lizoho la hao, siswaniso? Mi haiba una ni sona, kihande, si tise kwanu, kuli u si paheke fahalimu fa, ba ka si bona. Kihande, Ha ni zibi. Ku kaba liseli fa—fa limati la lizibiso.

⁵⁵ Mi ki se fa si—ki se siswaniso fa. Na sepa hamukoni ku si bona. Kono *kulo* fa mwakona ku si bona muluti o apesize toho wani fa toho ya musali yani. Mi fa kuna ni zeñozwi fateni *fa*, foo musali yani fa na swanize siswaniso, ni kubona haiba ne si bonisize. Mi ki sani fani, ona—ona fani. Ki muluti o apesize kwa toho muluti wa lifu.

⁵⁶ Mwabona musali, yainezi fani yani? U boni, Na sepa, Muzwale Neville, nji cwani? [Muzwale Neville uli, “Eni.”—Mu.] Uh-huh.

⁵⁷ Kacwalo, Billy uka si beya fa limati la lizibiso, haiba ukona, Billy. Taha, u siinge, ni ku siisa kwapili ni ku si beya fa limati, kuli mutu kaufela a kone ku si bona ha ba zwela fande. Yena kamba Doc, iliñwi ya zona. Cwale Na hupula, mwendi, ne si ka bonisa patalaza luli kuli ne mu ka si bona, kono kuna ni lififi hahulu kwa mufuta wa siswaniso sani. Kono ukaba ni sona fande fani, kuli mukone ku si bona, ha mu nze mu ya fande cwalo.

Cwale, muhupule lizibiso kaufela.

⁵⁸ Mi cwale, kakusasana cwana, Ne ni hupula kuli mwendi lu ka ambola fa nto yeñwi nyana kwa ku susueza keleke, sika se si ka mifa hahulu. . .

⁵⁹ [Muzwale Doc Branham uli, “Bata sibaka seo?”—Mu.] Kuti sikamañi? [“Mubata siemba seo fateni?”] Eeni, Doc, haiba ulata cwalo. Kwakona kuba hande.

⁶⁰ Ni bata kuitusisa se fa. Ne nina ni. . . Babañwi ba bona ne ba sina sona kuli ba si paheke, fa sunda yefelile, kacwalo lu hupuzi kuli mwendi si ka ba hande nyana kacenu. Ne ni bata kuambola ka yona, kakuli neli—neli tolo ya nabile ni yona kezeli.

⁶¹ Hani zibi haiba Kezeli Shepherd uteni mwa keleke kakusasana cwana. Ne ni mu katani busihu bobuñwi. Mi nako yapili yene Ni boni musali yani, kaniti, Ne ni sa zibi mane kuli ki mañi. Kana ki yena? Ni sepa kuli ha ki yena. Eeni. Kana ha u bilaeli, kana ikona kuba nto ye zwile mwa nzila, haiba Ni ka swanisisa kwa tolo yani, Kezeli Shepherd? Hauna taba, nji cwani? Ku lukile. Ki hande kulukile.

Mi lusika atumela kale sani, ha lu inamiseñi litho zaluna cwale hape.

⁶² Ndate ya Musa yakwa Lihalimu, ku Wena lufa tumbo ka bunde bwa Hao kaufela ni sishemo. Mi cwale, lu kutumanise, Mulena, kuli lukone kubala Linzwi la Mulimu yapila, ha Li taha ku luna ka pono mi li pakilwe ka Moya o Kenile, li yemelwa ka Bibeale. Kacwalo lu lapela kuli U lufe kutwisiso, kuli lukone kuziba sa kueza mwa mazazi a maungulo aa sina ha lu bona mata a maswe alula ku luna cwale. Ndwa, ndwa ya mafelelezo seili bukaufi ni kulwaniwa. Lu tuse, Mulena. Sina balwani ba niti, baba tiile, lu beye tebe ya Tumelo mwa halimu, ni Linzwi la Mulimu, ona Mukwale, ni kuya kwapili. Ka Libizo la Jesu. Amen.

⁶³ Cwale, ku nahana za kuya kwapili, ndwa, inge—inge ndwa ye tomilwe, ye itukiseza kuli i kolote, ki—ki ndwa ya luli, ku lwana ndwa ya tumelo.

⁶⁴ Kezeli Shepherd kwanu, ni Muzwale Shepherd, babali balikani ba luna babande hahulu, ni ba tahanga kwa tabernakele ye. Mi ki bana ba bande ba Mulimu. Mi—mi Kezeli Shepherd yo, hane Ni sweli kunga liñolo laka, mufuta wa na ka alaba Billy, mutu fela a bulela kuli, “Aku ni lumele masila a likana bukana a litapelo.” Mi Na a lapelela. Yena wa li alabanga fela. Kono haiba ki liñolo la mutu anosi, Nina ni ku li alaba na kasibili, mwa bona. Kacwalo Nanga liñolo la ka, mi kacwalo Ne ni liisa kwa ndu. Mi ne Ni sweli kubala mwani, ne ku izwe, “Kuzwa Ku Kezeli Shepherd.” Mi neli tolo yana bile ni yona, ya—ya likweli zeñwi kwa mulaho. Mi na si ka i utwisisa konji Lisunda zepeli kamba zetalu kwa mulaho, hane Ni to kutaza ka za—za *Masika A Likeleke Zesupa* ni—ni miselo ye supa, Pitrosi wa Bubeli, mo

si lwalela, Pitrosi Wabubeli 1, “Ku ekeza kwa tumelo ya luna.” Mwabona?

⁶⁵ Pili, mutomo, ki Tumelo. Sa bubeli, muekeze kwa tumelo yamina, mata; kwa mata amina, zibo; kuzwa kwa zibo, buiswalo; kuzwa kwa buiswalo, pilutelele; kwa pilutelele, bumulumu; mi kuzwa kwa bumulumu, lilato la batu kamukana, lilato la batu kamukana; mi cwale lilato, kakuba licwe la ku kwahela. Masika a sebene a lika zani. Masika a likeleke ze sebene, mwabona, ni linaleli ze sebene za masika a likeleke, mi kaufela zona li matehilwe hamoho ka Moya o Kenile.

⁶⁶ Cwale, zeo kona zelukela kuba mutanga wa Kreste. Kreste u yaha Keleke ya Hae mwa masika a likeleke ze sebene; Munyaliwa wa Hae, ki Mutu, musali, Keleke. Masika a likeleke zesupa kona abupa ni kueza Munyaliwa. Babañwi kuzwa mwa lusika *lo*, ni babañwi kuzwa mwa lusika *lwani*, ni babañwi kuzwa mwa lusika *lwani*, mi kaufela hamoho, ni ku li beya mwa mufuta oswana sina piradi.

⁶⁷ Sina Enoke, yana yahile ma piramidi, ze lu lumela. Mi licwe la kukwahela ne li si ka beiwa fahalimwa ona, kakuli licwe la kwa toho ne li hanilwe. Mi lungile cwale, isiñi sina Tuto, kono ka ku utwisisa, ka keleke fela ye fa. Kuli ze . . .

⁶⁸ Mulimu uikeza Iliyena kuba ya petehile mwa lika zetalu. U ikeza Iliyena kuba ya petehile ku “Ndate, Mwana, Moya o Kenile,” liofisi zetalu za Mulimu alimuñwi. U ikeza Iliyena kuba ya petehile mwa “kuluka, kukeniswa, kolobezo ya Moya o Kenile,” kutaha ka kupetahala, misebezi ya sishemo. U ikeza Iliyena kuba ya petehile mwa kutaha ko kulalu: nako yapili, ku to liulula Munyaliwa wa Hae; nako yabubeli, ku to amuhela Munyaliwa wa Hae; nako ya bulalu, mwa Mileniamu ni Munyaliwa wa Hae. Mi lika kaufela li petahalile mwa bulalu. Mi sebene ki nombolo ya milapelo ya Mulimu. Mulimu u lapelwa mwa bu sebene, kufelegelela, cwale ki kupetala ni kufelegelela.

⁶⁹ Mi taba yenca neli kuli, ne si kutisa se mwateni, kono ka ku mi bonisa, puti ya mafelegelezo yene Ni bile ni yona ne ina ni likalulo zeketalizoho kwa neku li liliñwi mi ku leliñwi neli zetalu; mwabona, sishemo ni kupetahala.

⁷⁰ Cwale mulemuhe ku se, kuli Kreste. Mulimu na ñozi Libibele zetalu. Bible yapili neili mwa mbyumbyulu, ye bizwa zodiaki. Cwale, haiba ha mu zibi Buka ya Jobo, mulibale fela ka zona, kakuli, kakuli Jobo ki yena ya i tatulula, ka mwa na talimezi ni kubiza lika zani mwa mbyumbyulu.

⁷¹ Mi mulemuhe, mwa zodiaki, ki sikamañi se ne i kalile ka sona? Taba yapili mwa zodiaki ki mwalanjo. Nto ya mafelegelezo mwa zodiaki ki Leo yona tau. Kutaha kwa pili kwa Kreste, ka mwalanjo. Kutaha kwa bubeli, Leo yona tau, Tau ya lusika lwa Juda.

72 Mi Enoke afeleleza mwa lizazi la hae, kamba kwa mulaho ka lizazi lani, ka piramidi. Mi ikona kuba. . . Kakuli, haluna nako ya ku kutela mwateni ni kubonisa piramidi yani mo ne i pahamezi ni zeñwi cwalo. I bulela hande kuliba kwa nako ya maungulo cwale. Ba mwa sikwenda sa mulena cwale, ka lipimiso. Kono licwe la kwa toho ne li si ka beiwa fahalimwa piramidi. Mi sani si beilwe handende, kuya ka muyahelo, kamba—kamba ka bukwala bwa muyahi. Kufitela, mane kuli. . . neba buhali bwa kabemba kaka shengile cwani. . . Ha ba zibi mo ne li yahezwi, ha ba li utwisisi, kuli neba kabemba ha ka koni kupazula mwa matuko mo ku matehilwe. Mi hakuna sileze ku ona. Ki ye petehile fela, li beilwe hamoho.

73 Kona kuli kona mo liinezi Kreste ni Keleke li ba hamoho. Hakuna sileze mwahali. Hakuna sika mwahala; ki Mulimu fela ni mutu. Mulimu, Kreste, ni mutu.

74 Cwale, kono, haili licwe la kwa toho, ha ba si ka li fumana kale. Mwa ziba Licwe la Sikono le ba nani mwa England, kuli ha ba yolisa malena, kamba ku—ku bafa mishukwe, ni zeñwi cwalo. Kono haili licwe la kwa toho. . .

75 Mulemuhe fa mashelañi a America. Mu ka bona haiba. . . fa dollar ya America, kwa neku leliñwi, neku la nzohoto. Ki liswayo la America, mbande ni. . . ya miwayo mwa lizoho la yona, kwa neku la bubeli, se si bizwa liswayo la “United States.” Kono kwa neku leliñwi kuna ni piramidi mi, fahalimu a yona, ki liito lelituna, mi mwatasi mo ibulela kuli, “Liswayo lelituna.” Ki kabakalañi hane ikaba “Liswayo lelituna” mwa naha ye, mane nihaiba kufitelela liswayo la naha ya luna? Mwabona?

76 Hakuna taba ka so eza, Mulimu u si bulela ka kuswana fela. Mwabona? U eza kuli muezalibi abulele ka sona. U eza kuli naha i bulele ka zona. Lika kaufela lina ni kubulela ka Yena. Kamba u—u bata ku Li lumela kamba nee, Liteni ona fani.

77 Cwale, mulemuhe, kuna ni liito ku sani, ki liito la Mulimu. Mi bakeñisa kuli kuwani ne i si ka zwa, Liswayo la kwa Toho, kakuli Ne i hanilwe, yeneli Mwana Mulimu; ili Licwe la mwa lilulu la muyaho, Liswayo la Toho la piramidi, ni ze kaufela. Cwale—cwale, Ni. . . Ha ni lati ku. . .

78 Fokuñwi bana ni kutepiña lika ze, mi liya mwahala mizwale ni likeleke, za likeleke zeñwi. Mi ha ba eza cwalo, kipeto mizwale fokuñwi ba banga ni maikuto a fosahalile, kuli Ni bulela nto yeñwi ka mizwale. Kono ha Ni cwalo. Na. . . Kambe ne mu ka teezeza fela ni ku utwisisa, mwabona, Ha ni buleli kulwanisa muzwale ufi kaufela. Kakuli, zeo ha li swaneli kuba cwalo mizwale, ku bulela ka kulwanisana. Lu swanela kubulela ka kutasana, isiñi ka kulwanisana.

79 Kono ha Ni bulela fokuñwi ka kopano yeñwi, sina Presbyterian, Methodist, kamba zeñwi cwalo, ba li, “Mwabona, wa li lwanisa.” Ha ni lwanisi muzwale mwahali mwani, kamba

kezeli yainzi mwani. Mulao o kauhanya sizwale kona o Ni bulela ka kulwanisa. Bana ba Mulimu ki lubasi lu luluñwi, mi isiñi—mi isiñi likwata ze shutana.

⁸⁰ Mi babañwi ba bona bali, “Hanina sa kueza ni yona, kakuli yani ki Presbyterian. Mi Ni wa Methodist.” Mwabona? Cwale, zeo ha ki zona. Mwabona? Ki mulao wa kopano yani o kauhanya sizwale sani. Mwabona?

⁸¹ Cwale, sani, sina ha Ni bulelanga kuli, kambe ne mu kaya kwa nuka mwa mukolo wa kale, o ya ulika kuwela mwa sibuba, mi Ni ziba kuli hauna ku kwanisa, kihande, he, Ha ni huwelezi, ku omanya wena. Ni lika ku ku zusa mwa sisepe sani. Mwabona? Kakuli, ki mukolo o ka sinyeha, mi—mi—mi u ka siyala, inge uinzi unosi ni sitocho, mwa mezi. Kacwalo—kacwalo ha ki—ha ki muzwale mwa sisepe, kono Ni sweli kuhuweleza ku muzwale ku mu bonisa se si libelela kuezahala.

⁸² Kihande, milao ye kaufela, yeo batu ba ipumanezi ina ni ku sinyiwa. Ku felile. Ina ni kutaha . . . Lu na ni kutaha kwa buñwi, bwa sizwale. Yeo ibile pono ya bupilo bwaka ka kulika ku kopanya mi isi ku kauhanya kopano, kono ki kuli ba siye milelo ya bona, mi ba be mizwale ku Mukreste kaufela ya pepilwe sinca. Mwa bona? Wo, wo kona mulelo. Foo kona fo Ni yemi, kihande, cwale, haiba mizwale ba ka lemuha cwalo. Ni . . .

⁸³ Buñata bwa mizwale ya luna, neba mwa litulo zaluna za Evangeli Yetezi, ha ba lumeli kuli ba Baptist ni ba Methodist, ni ba Lutheran ni babañwi, baba ni kolo. Kono, cwale, bakona ku bulela niti. Kono ha Ni lumelelani ni zeo. Ni lumela kuli lusika lo fa, lona Lusika lwa ba Lutheran, mwa lusika lo fa mo ne lu bizezwa, Na lumela, neli Lusika lwa ba Sardisi. Mi cwale ni Lusika lwa Philadelphia, lwa ba Methodist. Mi cwale ni ba Pentekota, Lusika lwa Laodesia. Ni lumela kuli ao ki masika. Mi Mulimu, ku lufi ni lufi lwa masika ani, na ikungela sicaba se si ketilwe. Mi ku sani, sina Maheberu 11 ha i bulela, kuli, “Bona kusina luna ha ba si ka petahala.” Mwabona? Kono cwale Keleke izwile ku lo, itile mwa bunyinyani ka nako kaufela, kufitela Li ba mwa lusika lwa Pentekota.

⁸⁴ Cwale, libaka le Ni bulelela taba ye, ki kuli mu be ni mulelo ka sa na lolile kezeli. Mi tolo ya hae ya zamaelela hande ni ze Ni bile ni luta.

⁸⁵ Mulemuhe cwale fa, cwale, lika ze kaufela zeo Pitrosi Wapili litimana za 6 ni 7 libulela ku mina, kuz- . . . ka tumelo ya hao, yeo kona ya pili. Cwale, Ni bulela kuli sicaba si ipapata ku ba ni lika ze kusina kupepwa sinca mane. Mi Ni lumela kuli Ni bulezi manzwi a buhali a kuli, “Kuswana sina nyunywani yensu ye lika kucomeka mafufa ku yona, ni kuikeza kuba ngangalukunyi.” Hakoni kueza cwalo. Kuna ni kuba lifufa la yona le li i tahela fela ku yona. Za mwahali ku yona li na ni kutisa mafufa ao hande.

⁸⁶ Mi kamita, mi Ni bile ya tamelezwa ku ba ya omanyanga likezeli za luna, ka za kukuta milili, ni kuipenta manala ni kwa lifateho zabona, ni zeñwi. Ni bile ya tamelezwa kamita cwalo ka kuba ya buhali kwa likezeli zaluna. Ha—ha ki kuli Nina ni se ni nyaza ka zeo. Ha ni buleli kuli musali yo ha ki musali yomunde, kuli ki litanya la mwa mukwakwa kamba nto yeñwi. Woo ha ki mubonelo wa ka. Kono, ki se, ha beya hahulu za bunde bwa buhata kwande, kubonisa kuli kuna ni zeñata za buhata mwahali, mwabona, ze lukela kutazwa ka Kreste. Kakuli, za kwande kamita lipaka ze li mwahali. “Ka miselo ya bona mwa ba ziba.” Mwa bona? Mi koo Kreste a lukela kuba teñi, ni ku tokomela za Mulimu, ni ku babalela lika zeñwi mwa sibaka sa zeñata hahulu za buhata za kukatela fela, mi mwa ziba, meto a mubala wa butala, mi ze bonahala inge lipuku, ni lika ze cwalo zeo. Na ha ni limeleli fela lika zeo, mi ha Ni lumeli kuli Bibebe ya li yemela ni yona, kacwalo Ni tabela fela kuba ka mo luinezi fela.

⁸⁷ Mulemuhe, cwale, haiba haana manala a kwa minwana ya mazoho, mi u bata kuba ni amañwi kuyena; haiba haana meno ni amakana, mi utokwa meno; haana lizoho, mi wena utokwa lizoho; hauna milili, mi utokwa kuba ni milili; hauna lika ze, fo cwale kwa shutana. Kono cwale ha u kumula fela meno a hao ka boomu, kakuli kuti ha bonahali buswe mo batela wena mwalukela kubela, fo he kipeto wa fosa. Haiba una ni milili yefubelu, mi ubata yensu, mi kipeto u yo i pentisa bunsu, bakeñisa fela kuli; u ezize mafosisa. Eehe, Na sepa cwalo. Kono nto ya butokwa . . . Hakuna Liñolo ka zeo. Konji, fela kwa kukuta milili ya mina, kuna ni Liñolo la seo, ehe, kuna ni amañata ka zeo, kacwalo he lu bata kubona kuli zeo li ba ze lukile, cwale.

⁸⁸ Cwale, kezela luna, ka kulola, na lolile kuli yena . . . Kihande, pili, na katazahile. “Ki tuso mañi ya kuzwelapili he, ni kulika ku ikataza mwa bupilo, haiba Mulimu utokwa kuli lu amuhele Moya o Kenile mi haluna Ona”? Cwale, Ha ni sepi kuli . . .

⁸⁹ Hakulata basweli kutepiña se. Kono haiba ha ba tepiñi . . . Haiba basweli, ki za keleke feela. Mwabona? Cwale, mi haiba muzwale yomuñwi wakona kuswala se, mi muutwa lizwi laka, muzwale, fa taba ye, muhupule, Ni luta fela kwa keleke yaka. Wena kamita, fapila kopano ya hao, una ni kutokomela za—za matepu, mi haiba ha u lati kuli kopano ya henu isike ya a teezeza, usike wa ba lumeleza ku a teezeza. Kono Ni lika fela kubulela kwa sikwata nyana se mo, kuli—kuli Muzwale Neville ni Na, ka Moya o Kenile, lu lika ku—ku lisa ni ku ba luta.

⁹⁰ Cwale, kuna ni zeñwi za litaba ze zemusike ku lumelelana ni zona. Kacwalo haiba kuna ni ze cwalo, sina fela mo Ni bezi ni bulelelanga ka mita ka za kuca kuhu ye halikilwe, “Ha u luma mwa lisapo, ha u yumbi kuhu kaufela. U yumba lisapo.” Kona kuli kamita muezange cwalo. “Kuca nama ya mbilimbili, mi u luma mwa munjeke, ha u yumbi nama kaufela.

U yumba fela munjeke kihona.” Kacwalo muezze lika zeswana ka kuteeleza ku Se.

⁹¹ Cwale, Ni—Ni lumela kuli—kuli libaka le kuna ni kulyangana hahulu kacenu, ka za Moya o Kenile, ha u si ka lutiwa hande ka swanelo. Ni lumela kuli kolobezo i lutilwe. . . ili fela ka kubulela kuli “kolobezo.”

⁹² Kono he kuswana sina ha mu ka bulela kuli “mota.” Kono cwale Ni na ni libelekiso zeñata nyana mwa keleke ye, mi ha Ni zibi sika ka zona. Kacwalo haiba Ni eza mafosisa, mizwale, Ni. . . Muhupule, Ha ni mulukisi. Kuna i kuba mihala, ni licakuliso za mulilo, ni fo kusupile, ni ma valuvu, ni lika zeñwi fela, zeo li bupa mota.

⁹³ Mi ha u bulela ka za kolobezo ya Moya o Kenile, kuna ni zeñata ze zamaelela ni Yona. Huh? Mwabona? Kuna ni zeñata ze zamaelela ni Zeo. Mi ki se se Ni hupula kuli Mulimu kona sa sweli kubonisa: Moya o Kenile uteni mo. Mwabona?

⁹⁴ Cwale, Pitrosi naize, pili, “Tumelo.” Cwale mutalime ka tokomelo cwale. Lu ka luta taba ye mwa mizuzu yelikani. Tumelo, cwale, kona yapili ku za hao. Mi uekeza kwa tumelo ya hao, mata; kwa mata a hao, zibo; kwa zibo ya hao, buiswalo; kwa buiswalo bwa hao, pilutelele; kwa pilutelele ya hao, bumulimu; kwa bumulimu bwa hao, lilato la sizwale, lilato la sizwale bunde; mi ni lilato. Mi mutu kaufela wa ziba kuli lilato ki yena Mulimu. “Mulimu u lilato.” Mwabona?

⁹⁵ Cwale, sani cwale, kuzwa ku se, mi ka kutisa se mwa masika a likeleke zesupa. Mulimu usweli kuyaha, mwa masika a likeleke zesupa, Munyaliwa wa Krete; mwa Filadelfia, Tiyatira, ni Pergamosi, ni Smirna, ni Efese. Lusika lwa keleke, ya na bulezi Jesu kuli, “Haiba—haiba Munyali na tile lwa pili ka nako ya mutonelo wa busebene, balanjo ba kaufela ne ba zuhile.” Nebali cwalo. Ba zuha, balanjo ba mwa Efese, Smirna, Pergamosi, Tiyatira, Sardisi, Filadelfia, ni Laodesia. Kana mulemuhile cwalo? Neli lusika lwa busebene, fa Na tile ku to zusa balanjo ba ba lobezi bani. Sani si ba kutiseza kwa mulaho *kwanu*. Mwabona? Kakuli, mwahali mo, mwahala myaha, masika, U yahile Munyaliwa, ya pepilwe ali Munyaliwa, u pepilwe ali Munyaliwa mwa lifasi ku Krete. Mi ka mukwa o swana U pepa ni Munyaliwa yoo, U pepile batu alimumuñwi ka alimuñwi.

⁹⁶ Cwale Ni kutela taba ye kwa makalelo, kuli mu bone tolo ya kezeli ha i ka bulelwa.

⁹⁷ Cwale, lika ze fa luli lina ni kuba ku Mukreste mane Moya o Kenile u si ka mu swaya kale, se si si ka taha kale fahalimu ni ku to apesa sibyana hande.

⁹⁸ Cwale, tolo ya kezela luna cwale. Na bilaela haiba nana ni Moya o Kenile kamba nee, ha na lobezi fa sipula fa na balela kubalela mutende. Mi una ni bana babanyinyani, sina mo Ni bezi nina, mi kamita ba mutalezanga lilata ni lika kaufela. Mi

kacwalo, ku se, a nopa kaloko ka mizuzu ye lishumi cwalo, kamba mizuzu yelishumi ka yeketalizoho. Mi ki ha lola. Mi na si ka li utwisisa, kamba ku li kopanya hande hamoho, kuzwa mwaha o felile, mane, kufitela Liñusa le li lutwa. Mi, hane Ni sweli ku luta za Yona, ki ha ikuta kaufela kuyena. Mi a lola kuli nasweli kulapela.

⁹⁹ Na sweli kuzamaya fa bulilo, pili, a si ka lola kale, inge asweli kuhamula mazoho a hae, ni kunahana kuli, “Mulena, kana Ni na ni Moya o Kenile? Kana Wa kona ku ni bonisa. Babañwi bali, ‘Kakuli kuti—kuti Ni huwile.’ Kamba babañwi baize, ‘Kakuli Ni bulezi ka malimi.’ Mi lu lumela ku zeo kaufela. Kono kikuli Ni na ni Ona luli na?”

¹⁰⁰ Na lumela mwa lika zani kaufela, ona mata ani, kubulela ka malimi, ni kuhuwa, ni mifuta kaufela ya muezozo wa madimona. Na lumela mwa kalulo yateñi kaufela. Kono haiba uteni kusina Se, kuna ni se si fosahalile. Mwabona? Cwale, mwabona, mwa bona, muna—muna ni sikapi. Mulemuhe.

¹⁰¹ Mi na bilaezwa ka zona, kacwalo alobala fela mwa sipula mwa na sweli kubalela muuna hae, mi a wela mwa buloko.

¹⁰² Mi a lola kuli na pahami fa lilundu. Mi mwa lilundu le, zende. . . Hanina pampili fa pila ka, kono Ni sepa kuli ki nto ye. A lola kuli na bona kapongisi ka—ka licwe, inge—inge si—si sibupeho se si basizwe, licwe leo libeilwe fahalimwa lilundu le. Mi muuna hae nali fela kwa mulaho wa hae. Mi ki ha bona muuna yomutuna ayemi fani, ni liapalo za kubelekela mwateni inza apezi, na putile kwa mazoho, inza lwezi mezi a kenile hahulu ku akile abona fateni, inge asweli kusululela fa licwe le, kapongisi ka licwe la ne kainzi fahalimwa lilundu. Mi pongisi ya licwe yeo ne i sa buluki mezi. Mi na suluha mwateni, mi akala kushelaula masila kaufela ni tukota, ni lika kaufela fahalimu fani, ni kubila ona cwalo inza kuka kushetumuka fa lilundu. Mi a to bubela kwa mahutu a hae, mi na yemi ona mwa mezi akukile ao, feela na si ka mu kakatela kueza sileze.

¹⁰³ Mi—mi a buza kuli pongisi ha ne i palezwi kubuluka mezi, mi muuna yani ali, “Ani ha ki mezi. Wani kona Moya o Kenile, mi,” ali, “hakuna se si ka U swala.” Mi ali, mi muuna akuta ni kunga buleke bobutuna, mi ne butezi linosi, mi a sela linosi mwateni mwani, ali, “Cwale aka buluka se.” Mi a hupula kuli pongisi yani, neli pongisi ya licwe, kuli ne i ka panca ni kusulula linosi, kono ne li si ka panca. La to swalana fela hamoho ni ku li buluka hamoho.

¹⁰⁴ A fetuha ni kuya kwa lilundu. A shetumuka lilundu, a yemela kwatasi a lilundu ni kutalima kwa mulaho. Abona linukana ze ketalizoho za mezi, akenile amande ao, a si ka silafazwa ki lika za mo ne afita, neli akenile mi amande, inza buba ka bunde. Mi na nza taha ka bunya. Mi, bukaufi ni kufela, mi na sa zibi kuli na ka fita kwatasi a lilundu, linuka ze ketalizoho. Mi ki ha zuha.

105 Ni sepa kuli cwalo kona mo ne iinezi, nji cwani, Kezeli Shepherd?

106 Cwale, Ni si ka nga kale liñolo ni ku li kwalula, Ni si ka bala kale, Na bona tolo ya hae.

107 Cwalo kona mo li tolkelwanga litolo. Cwale, buñata bwa mina mutile ku na ka litolo, ni—ni ku ni bulelela lika ka za litolo. Ha ni li, “Libelela fa muzuzu. U si ka bulela kale zeo kaufela.” Mwabona? Ni kuta mwa mulaho ku ku kaliseza yona sinca. Mi haiba ha u koni kubulela zo lolile, u ka ziba cwani kuli toloko ki ya niti kamba nee? Mwabona? Una ni kuba, una ni kuba ni tolo. Pono ina ni kubonisa tolo. Mi ha u bona tolo ya lolile mutu, mi wakona ku mu bulelela a si ka ku bulelela kale, kona kuli uka ziba toloko yateni.

108 Kihande, Ni lumela kuli sani si mwa Mañolo, hape, Daniele, nako yeñwi. Nji ne si cwalo? Ali. . . Eehe. Ni lumela kuli Ni nahanile fela ka zeo ona fa. Mwabona?

109 Kono kamita mubona tolo, cwale, haiba toloko ilukile. Mutu ha kala ku kubulelela tolo, wakona fela ku mu yemisa, kuli, “Libelela fa muzuzu. Mi ne ili *cwana-ni-cwana*. Ne li *cwana-ni-cwana*, hamoho ni *cwana-ni-cwana*.”

Mi kipeto u li, “Yeo ki niti luli.” Mwabona?

110 Muuna yomuñwi, zazi leliñwi, na lika ku ni bulelela za tolo ya na lolile. Ki hali, “Kihande,” ki hali. . .

Se nili, “Cwale, muzwale, kiñi zo siyezi siemba se?”

Ki hali, “Ki siemba sifi hape?”

111 Se nili, “No lolile kuli no posize licwe mwa halimu, mi Na li kunupa mi tuemba totuñwi twa ni kena mwa liito.”

112 Ki hali, “Yeo luli ki niti, Muzwale Branham.” Mi sa nga fela siemba sa mafelelezo hande, maabani. Uh-huh.

113 Kacwalo ki fohe cwale. Mwabona? Mwa bona? Kiñi? Ha u buleli niti ya yona, kono, mwa bona, I kana ipatulula za kwa mulaho, kaufela seo, ku kubulelela tolo ya hao, zo lolile. Kona u ka ziba kuli ki niti.

114 Cwale, ki ye toloko ya tolo ya hae. Na bilaezwa ka Moya o Kenile. Cwale, kwa neku la na boni ka pongisi fahalimwa lilundu, neli licwe. Licwe la pongisi, ki *licwe*, “mubulelelo.” Cwale, sina Jesu ha na bulezi mwa Mañolo. Na ize, Pitrosi naize. . . “Kimañi,” Jesu naize, “kanti batu ba li ki Na mañi, na nili Mwana, mutu?”

“Yomuñwi ali ki Wena ‘Elia,’ ni ‘Mushe,’ ni zeñwi cwalo.”

Mi ki Hali, “Kono mina muli ki Na Mañi?”

Ki hali, “Ki wena Krete, ili Mwana Mulimu yapila.”

115 Cwale, batu babañwi ba bulela kuli cwale, keleke ya Katolika ili, keleke ya Roma ya Katolika ili, kuli sa Hae- . . .

“Seo licwe nelili sona, kuli Jesu naize, ‘Fahalimwa licwe leo Ni ka yaha Keleke ya Ka, mi minyako ya lihele haina ku I koma.’” Se bali, “Neli ku Pitrosi. Mi Pitrosi neli yena licwe lani, kakuli *Pitrosi* i talusa kuli ‘licwe lelinyinyani.’ ‘Fahalimwa licwe nyana le Ni ka yaha Keleke ya Ka.’” Mi ku Pitrosi, bona, ba kuyola kwa buapositola, ba toma teñi keleke.

¹¹⁶ Mi keleke ya Baipanguli ili, “Ao ki mafosisa. Kuti, ne li fahalimwa Hae fa Na yahile Keleke.”

¹¹⁷ Cwale, isiñi kuba ni ka ku sa lumelelana, kono, Na, ka nzila yaka ya ku libona, bubeli bwa bona ba fosa. Kakuli, na si ka I yaha ku Pitrosi, kamba neba kuli Na I yahile ku Yenamuñi, kono ki fa sinulo ya Pitrosi ya Yo Nali yena. Mwabona?

“Kana batu bali ki mañi, Na nili Mwana mutu?”

“Ki wena Kreste, Mwana Mulimu ya pila.”

¹¹⁸ “U fuyozwi wena, Simoni, mwana Jonasi. Nama ni mali ha li si ka patulula se ku wena,” sikolo sesiñwi sa za bulapeli, mwabona, “kono Ki Ndate ya mwa Lihalimu ya ku patululezi seo. Ki wena Pitrosi. Fahalimwa licwe le la buipuleli, fahalimwa sinulo ye, Ni ka yaha Keleke ya Ka.”

¹¹⁹ Mi kubile kuli, keleke ifi kaufela ibile ni licwe lani la buipuleli, kutaha fahalimwa licwe la buipuleli bo bwa Laodesia.

¹²⁰ Mi, cwale, hamukoni kueza keleke ku ba ye kenile. Hakuna nto ye cwalo kuli keleke ye kenile kamba kopano ye kenile. Moya o Kenile wakona ku kutazwa ku yona, kono ki mwateni mo mu fumana babande ni babamaswe, bakwenuheli, babasina tokomelo, ni lika zeñwi kaufela. Kacwalo kopano haikoni kuyema. Ha ukoni kubulela kuli, “Luna ni Yona. Hakuna wa bona ya na ni Yona.” Batili, sha. Moya o Kenile u suluhezi ku mutu ni mutu. Ki mutu anosi.

¹²¹ Kacwalo, kabakaleo he, licwe, ona Keleke ya maungulo ye, Keleke ya pentekota ye amuhezi Moya o Kenile, ne ba ezize cwalo kwa makalelo. Kutaha mwahala masika kaufela, ba amuhela Moya o Kenile, kono isiñi mwa sikala se bana ni Sona cwale, kakuli ki kukutiswa kwa makalelo. Halunze lunga likandela, Alfa ni Omega, mo ne ba tukiselize kandela yapili; la ya mwahalimu ni mwahalimu, ni kuya litima ni kutima; ni kukuta hape. Mwabona? Lwapili ni mafelelezo, ni zeñwi cwalo.

¹²² Cwale, kono mwa lusika lwa keleke lo, Liñusa li suluhela mwa keleke. Kono mubili wa keleke, kasibili, hamoho uswana sina . . .

¹²³ Tabernakele ye, i ka bulela. (Kwani kona kwa tahanga kwa keleke.) Tabernakele yeha ki tabernakele ya Moya o Kenile. Hakuna nto ye cwalo. Mutu anosi ya kena mwa keleke ye ki litabernakele za Moya o Kenile. Ki litabernakele ze na ni Moya o Kenile, kono isiñi keleke mwa mubili, ki sikwata. Kabakaleo, Za zwa mwateni.

124 Kono, seo, muuna yo yana sela mezi, mulumiwa kwa keleke, ya na sululela Liñusa mwa keleke, kono neli sikamañi sa na eza mezi? Na sweli kuzwisa masila kaufela ana li ku ona. Kona so ezanga Moya o Kenile, ku li bilisa, cwale.

125 Cwale, linosi ne li yemela lilato la sizwale, lilato la batu kamukana, ili lona lusika loo. Kona ni sa zo feza fela kubulela, mwabona, ka za lilato la batu kamukana, lusika mo lupila cwale.

126 Cwale, wakona kubulela kuli, “Talima, Na—Na—Na luli hani lati Muzwale Neville.” Kamba, “Na luli hani mu lati Muzwale Jones. Hani lati Muzwale wa *Kuli-ni-kuli*,” ni sesiñwi se si cwalo. Kono tuhela kuli sesiñwi siezahale ku yena, muzwale, pilu ya hao i ka lobeha. Mane i ka bata ku kubulaya. Mwabona? Lwa kona kuamuhela lilato la batu kamukana ni ku utwelana butuku ku mañi ni mañi. Mwabona? Kono kuina mwa sikwata sa batu . . .

127 Kiñi zo tokomelela muzwale yani? Kakuli u i kabezi sinkwa ni yena kwanu kwa aletare, sina mo mu ka ezeza busihu cwana. U kopani ni yena. U swalani mwa mazoho ni yena. U lapezi ni yena. Ki muzwale wa hao. Mi wakona kueza sika mwa nama, zo kona ku sa lumelelana ni zona, kakuli wena uka itulela fela, (zo sa lukeli kueza), kono ku mu toboha nyana. Kono mwatasi a pilu ya hao, haiba sesiñwi si kona ku ezahala ku muzwale yani, ne si ka ku bulaya fela, kamba kezeli yani.

128 Ni—Ni mutu ya sa hulile. Nenili mwanana nako yeñwi, mi cwale Ni supezi. Ni li boni, mwahala lilimo, ha lieza cwalo. Ni utwa batu haba bulela kuli, “Hanina fela kuba ni sa kueza ni yena.” Mi sesiñwi si ezahala ku muuna yani, si ka bata ku mu bulaya. U nahana kuli, “O Mulimu, Ni tuhela muzwale waka yomunde ku ya, kusina kuba mwa bulikani hamoho ni yena.” Mwa bona? Mwabona? Mwabona? Ki lilato la sizwale. Kubonahala inge kuli halina kuswalana, kono za swalana. Ki linosi, li ka lamatela kuswalana.

129 Cwale, bakeñisa kuli uzwa kwani, kushetumuka fa lilundu, kutaha kwatasi a lilundu cwale, mezi a kanya a nasweli kutaha fahalimwa lilundu, mwa linuka ze ketalizoho. Cwale, ketalizoho ki nombolo ya muhau; J-e-s-u, t-u-m-e-l-o, m-u-h-a-u. Mwabona? Nombolo ki nombolo ya muhau. Linuka ze ketalizoho ne li sulula kuzwa fahalimu fa mwa mukokolombwa, kutaha fafasi kulo *fa*.

130 Yeñwi ni yeñwi ya masika aa neina ni buipuleli bwa licwe bwani. Ba bakenile ba lobezi, ba libelezi, kulibelela, kulibelela, kulibelela, mwabona, kutaha cwalo kufitela lusika loo. Kono cwanoñu Moya o Kenile, umano suluha kuzwa ku Kreste, uka taha mi u swaye Keleke. Kipeto Keleke ika ngelwa. Ikaba sikwata se si petehile sa Mulimu, Munyaliwa wa Kreste, ya kaba yena Toho ya lika kaufela. Mwa ni latelela cwale? [Kopano ili, “Amen.”—Mu.]

131 Cwale, na sweli kubilaela. Cwale, mwa tolo ya hae, nasweli kubilaela, “Kikuli kanuka ka. . . Kikuli kanuka nyana ka kaka kona kufita kwatasi kwani?” Mwabona? Ne ka oma. Cwale, kakuba kuli, yena kasibili. Cwale ki se se Ni bata kuli mu utwisise cwale. Yena kasibili na sweli kubilaela za hae kasibili. Haiba “nana ni Moya o Kenile?”

132 Cwale, Ne ni hanile kubulela se, mazazi nyana a fitile, ka kunahana kuli keleke i kaba ya moya hahulu ku lemuha cwalo. Mi mwendi Ni time tepu ye ona fa cwale, kono kakuli ha Ni lati kuli iye mwahala mizwale. Kono wakona ku bulela ka malimi, wakona kuhuwa, wakona kubisa, wakona ku leleka mioya, kueza kaufela so bata kueza, kono nitefi hauna Moya o Kenile.

133 Hanili balutiwa bani ne ba i lo kuta, inge ba nyakalala ni kuhuwaka kakuli mioya ye maswe ne i ba saba, mi Jesu. . . mwahala bona nekuna ni Judasi?

134 Hanili Jesu naize, “Mwa lizazi lani,” ha Na tile, kuli, “babañata baka taha ku Na ni kubulela kuli, ‘Mulena, kikuli ha Ni sika leleka mioya ye maswe, mi ka Libizo la Hao ni ezize misebezi ye mata?’ Mi Ni ka li, ‘Muzwe ku Na, mina baezi ba ze maswe. Ha ni mi zibi.’” Lika zeo ha ki ponahazo ya Moya o Kenile.

“Ka miselo ya bona mu ka ba ziba.”

135 Cwale mu li, “Muzwale Branham, kana luna, kana lu bulele ka malimi nji?” Eni sha. Zeo ki limpo za Mulimu. Kono limpo za Mulimu zeo, kusina mata mwahala zona, si ba si sitataliso ku ya sa lumeli. Ha si ka amuhelwa ki Mulimu.

136 Se si na ni kuba pili. Mi cwale hauna ni tumelo, mata, zibo, buiswalo, pilutelele, bumulimu, ni lilato la sizwale, konakuli Moya o Kenile utaha fafasi ku to ku swaya kuba sikwata, sina fela Mwa swayela masika a likeleke ku ba siñomoto. Nzila Ya ezeza Munyaliwa wa Hae ka yona kona Mwa bupela ni mutu anosi ka buyena; u bupiwa kwa libyana zeswana, sina Eva mwa na ezelizwe ku zwa ku Adama, likupo lene li zwa ku a hae. *Kize* lika ze mu na ni kuba ni zona pili. Ha ukoni ku li likanyisa. Ha ukoni ku li lombota. Lina ni kuba ze lumilwe ki Mulimu ni ku ba zepepilwe ki Mulimu. Malikanyiso fela atisanga lyanganisi.

137 Kuswana sina ha Ni bulezi. Kana mwakona ku nahaniseza kubona kañoti ha ka inzi fani ka comekile mafufa a liiba ku kona, kali, “Mwabona, Ni liiba bati!” Ha ki nkwilimba. Ki kañoti, linoñu. Munahane fela kuli nyunywani yensu sitengu si be ni mafufa a ngangalukunyi mwa mafufa a sona, ni kubulela kuli, “Mwabona!”? Ani ki o si comekile fela kusona.

138 Kono ana ni kuzwa mwahali kutaha fande, mi atisa Bukreste; Mulimu, ka mata a Moya o Kenile!

139 Kezela luna na sa kolobile kwa mahutu ha yo fita kwatasi. Kaufela luna lwa muziba Kezeli Shepherd kuba wa sishemo.

Ndu ya hae ikwaluhile. Yena ni muzwale, Hanina taba kamba ki mukunyandela, mukupeleli, kamba ki sikamañi kaufela, ba ka mu fepa, kueza sika kaufela se bakona ku mu tusa ka sona. Oh! Mulimu na amuhezi sani, siemba sa hae sa mutomo.

¹⁴⁰ Mi ki ye fa, cwale, munge tuto ye. Ki se sesi fosahalile ni—ni. . . Na tukisa se cwale. Ki se sesi fosahalile kwa Branham Tabernacle. Mwa bona, kuna ni mifuta yemibeli ye shutana ya tumelo. Kuna ni mata amabeli ashutana, sina mo ne Ni bezi ni zona zazi leliñwi. Mifuta yemibeli yeshutana ya zibo. Mifuta yemibeli yeshutana ya buiswalo.

¹⁴¹ Yomuñwi unahana kuli ki kuhanisa, ko ba nani. Wani ha ki ona mufuta wa buiswalo wo Mulimu a bulela fateni. Ki kutokwa bumulimu cwalo, kacimacima ka ka sa sikululwi ko nani kani, ni lika za neku leo, kukuta mwa mulaho kapili, kuomana.

¹⁴² Pilutelele, ni zeñwi cwalo, ki leo lisheha lateni, ku ikeza fela kuba cwalo; tumelo ye filwe ka sibupeho; mata a filwe ka sibupeho. Kuna ni buiswalo bo bu filwe ka sibupeho. Lika ze kaufela li filwe ka sibupeho.

¹⁴³ Mi siemba sesituna sa tumelo ki tumelo ya ku ikupulela fela. Ka kuutwa Linzwi, si lutisa fa temuho ya ngana ya butu fela ka za Mulimu.

¹⁴⁴ Kono haiba Se, si zwa kwa Lihalimu, oh, muzwale, haiba Sa taha ku se, kuna ni tumelo ya bumulimu ya moya. Konakuli tumelo yeo ieza sikamañi? Tumelo yani i lemuha fela Linzwi. Hakuna taba kamba sika kaufela si bulela sikamañi, si lemuha fela Linzwi, kakuli, “Kwa simuluhoko nekuna ni Linzwi, mi Linzwi nali ku Mulimu, mi Linzwi neli Mulimu.” Mi Linzwi i sali Mulimu. “Mi Linzwi a ezwa nama mi a to yaha ku luna.” Mi cwale Linzwi lona Kasibili ha li kena mwa tumelo ya luna, tumelo ya luna ya mwa toho fela iba sinulo ya moya.

¹⁴⁵ “Mi fa mutomo wo Ni ka yaha Keleke ya Ka.” Mwabona? Isiñi kuyema fa ngana ya kuipulela fela ka kuikopanya kwa keleke, ngana ya toho fela ya Sani; kono ki kuitinga fa sinulo, linuka za sishemo zani ha li suluhezi mwa tumelo ya kuikupulela fela yobile ni yona. Konakuli, fahalimwa se, sinulo ya moya, “Ni ka yaha teñi Keleke ya Ka, mi minyako ya lihele haina ku I koma.” Mwabona? Seo sibonisa kuli i ka I lwanisa, kono haina ku kwanisa kukoma. Oh, ha ki nto kwa kanya ni yeo! Cwale mubone tumelo. Linuka ze ketalizoho ze. . .

Ne ni na ni kaemba sa coko ya kuñolisa fa, kono Ni sepa ha si ka itisa fa.

¹⁴⁶ Kono linuka ze ketalizoho ze mubona zelitaha ka kushetumuka fa, libeya se hamoho. Ibile Moya o Kenile o ezize keleke ya Efese. Neli Moya o Kenile o no li mwa keleke ya Smirna. Moya o Kenile o no file keleke ya Pergamosi, ni keleke ya Tiyatira, ni mwa Masika a Lififi. Ki Moya o Kenile o bupile Munyaliwa yani, ba Baketilwe baba zwile mwa milao ya

likopano mwahala masika kaufela, ona cwalo. Kuna ni Baketwa, Munyaliwa ya lemuhilwe kale wa Jesu Kreste, yo Moya o Kenile u biza Muketwa. Mi u bile Moya o Kenile mwa lusika *lo*, lusika *lwani*, lusika *lwani*, *lwani*, *lwani*, *lwani*, *lwani*, *lwani*, cwalo kufita ni fahalimu, fa Moya o Kenile.

147 Mi cwale sina ka mutu anosi, mata ao ni lika ze, ki zibo ni buiswalo, za ekezwa kwa tumelo. Mi cwale Licwe leli kwahela ha litaha, Moya o Kenile wa Litamahanya hamoho. Ki yeo kolobezo ya Moya o Kenile. Kona ha ili ye tondahala kacenu.

148 Na mubone fa, Nina ni litaba zeñozwi fa. Halu boneñi. Ne ni swanisize siswaniso fa, sa tolo ya hae. Mwabona? Hamukoni ku si bona kulo koo.

149 Cwale, kuzwa mwa Moya o Kenile, ki sikamañi se si taha? Mi Uka kufa, tumelo yeipitezi, tumelo ya moya, kuli *fa* kwatasi. Konakuli tumelo ya moya yani i lemuha fela Linzwi. Hakuna taba kamba mutu ubulela sikamañi, ha si—ha si ezi bunde ni bobukana. Ya ziba fela Linzwi. Haiba mutu ubulela kuli, “Mazazi a limakazo a felile.” Tumelo yani i ziba fela Linzwi. Yomuñwi ha li, “Hakuna sika sakuli kolobezo ya Moya o Kenile.” Tumelo yeo i ziba fela Linzwi. Yeo kona tumelo, ya niti, mi ya moya, mwabona. Yeo ki niti. Mwabona? Yona iziba fela Linzwi.

150 Mi, yani neli nombolo yapili. Nombolo yapili, yetaha kuwena, tumelo ya hao ya mwa toho ona fa, kutaha Moya o Kenile kushetumuka mwa buino bwa tumelo ya mwa toho feela, ku ieza kuba tumelo ya moya. Mi tumelo ya moya fela ilemuha Linzwi kihona.

151 Cwale, mi nombolo yabubeli, yabulalu. Kona kuli ukaba ni moya, ukaba ni Moya o Kenile, mi uka swaya lika *ze* kaufela ku wena, sina Moya o Kenile wani ha u apesa *se*. Kuzwa kwa tumelo ya hao, kutaha kwa Moya o Kenile, u ku swaya ku Kreste. Mi kipeto muba Alimuñwi. Amen. (Muzuse nto ye mwa nzila yaka; kutata mwa mazoho a mina.) Mube alimuñwi. Mwabona, wena ni Kreste mupila hamoho. “Ka lizazi lani mu ka ziba kuli Ni inzi ku Ndate, mi Ndate u ku Na; Na ku mina, ni mina ku Na.” Mwabona? Konakuli seo ki sikwata se si swailwe sa Mulena Mulimu.

152 Cwale, mi kipeto li pakilwe ni kubeiwa. Mi nako yani ha i ezahala, ba fetuha bana baba pakilwe ba bashimani ni basizana ba Mulimu.

153 Kana mwa hupula, mwa Buka ya Mateu, kauhanyo ya 17, timana ya 1 kuisa fa timana ya 5, Jesu fa Lilundu la Petuho?

154 Mu utwile yakuli *Mu Mu Utwe*. Kutazo yo ne Ni sa kutaza mwaha, ofelile, se li ye zibahala hahulu, *Mu Mu Utwe*. Ku hulisa mwana, mwa Maefese 1:5 hape, “Mulimu u lu ketile kale ka ku añuliwa kwa bana.”

¹⁵⁵ Mwabona, lubasi, mwana ha pepwa mwateni, uba mwana ona foo. Kono mwana yani una ni baluti ba hae. Mi haiba mwana yani akona kutaha kwa—kwa liseli hande la kuba mwana, haana kuba muca sanda sa lifa. Kono haiba ki yena mwana ya swanela, mi ki mwana ya na ni kuutwela ndatahe, kona kuli mwana yo wa añulwa, kamba kubeiwa hande mwa sibaka. U ba ni siemba sa lifa la za luwile ndatahe.

¹⁵⁶ Mi sani kona sa na eza Mulimu fa Lilundu la Petuho. Ha Na ngile Mwana Hae Tota, kasamulaho Amano pakiwa kuba Mwana ya lukile, mwabona, mi na yemi ka kutiya mwa miliko kaufela, Na Mu isize fahalimwa Lilundu la Petuho ni ku Mu apesa ka busweu.

¹⁵⁷ Mwa ziba, mwa Testamente ya Kale, neba nga mwana mushimani ni ku mutinisa zende, liapalo zende luli, ni ku mu inisa fande mwa patelo fapila sicaba. Mi nebana ni mukiti wa kutomahanyiwa, kamba lu u biza kuli kuañula. Mwa Magalata mwani, Ni sepa Paulusi utamahanya ku zona kuli kuañula bana. Cwale, kono, kuketa mwana, bakutazi ba ka utwisisa, ni ba moya, babali ba Bibebe, ka za kutomahanya mwana yoo. Ka manzwi amañwi, mwana neli mwana nako ya pepwa.

¹⁵⁸ Fani kona fo ba ezelize batu baluna Bapentekota mafosisa a bona. Ka kupepelwa mwa lubasi, ka Moya o Kenile, yeo ki niti, kono cwale lu swanela kuba bana ba mufuta omunde, baba laezwi hande ki Muluti sakata. Mwabona?

¹⁵⁹ Cwale, haiba mutu, kwa mulaho mwa lilimo za kale, na ka hupula kuli mwana hae, na bata kuli abe mwana ya lukile, na na ni kunga muluti yomunde hahulu ku ya na ka fumana, muluti wangana sakata, kakuli na bata mwana hae kuli a hule abe sina ndatahe. Mwabona? Kacwalo na ikungela muluti sakata.

¹⁶⁰ Cwale, haiba nji mutu fa lifasi a ka nahana ka za muluti ya sikwala, kucwani he ka Mulimu, Ndata luna? Cwale, Na si ka nga mabishopu, ni baika, ni baprisita. Na ngile Moya o Kenile kuli ube yena Muluti wa luna. Mi Moya o Kenile ki yena Muluti wa luna. Mi Yena—Yena umwa Keleke, mi Unga liñusa ku li isa ku Ndate.

¹⁶¹ Mi cwale ku cwani kambe ndate, kamba, muluti na ka taha mi ali, “Kihande, Ndate. . .” Cwale, haana kunga mufuta wa muluti ya comekile sika kwa kuwani ya hae, mwa ziba, ki lifufa, kona mo lu li bizeza. Muli, “Oh, haiba Ni bulelela ndate nto yeñwi ka za. . . Mushimani yomunyinyani yani ki mukwenuheli, nihakuli cwalo, kono haiba Ni—haiba Ni bulelela ndate, ndate wakona ku ni ekeleza kwa pene.” Yani ha ki mufuta omunde wa muluti. Muluti wa mufuta omunde ki muluti ya sepahala, ya bulela niti.

¹⁶² Mi Moya o Kenile ubulelanga Niti Ha taha fapila Mulimu, ku luna. Eehe. Kacwalo Wa taha. Mu nahana sikamañi? Ka ka swaba kacenu ka kubulela kuli, “Bana ba hao basizana basweli

kukuta milili yabona, mi U ba bulelezi kuli basike a ikuta. Bana ba hao ba bashimani ba baiseza hahulu ngana kwa likopano, mane ha ba kona kubonana. Yeo ki niti. Mi basweli ku añula se ku Se, ni se ka Sani.” Mwa Na lukela ku ikutwela maswabi! Kono ka mo Muluti yani na ka latela kutaha ni kubulela kuli, “Oh, mawi! Mwana yani ki mwana wa luli. Yena uswana fela sina Ndate.” Oh, mwa Na ka latela kubulela cwalo! Mwabona?

Mi kipeto Ndate u taha ka muikuhumuso, uli, “Yo ki mwana Ka!”

¹⁶³ Ona zeo kona za na ezize Mulimu fa Lilundu la Petuho. Mulemuhe, kwa bonahala Mushe ni Elia. Mi Pitrosi, kaufela ne ba tabezi; za buipiteli ha li ezahala. Pitrosi na tabezi, ali, “Ha lu yaheñi litabernakele zetalu, iliñwi ya Hao, ni yeñwi ya Mushe, mi yeñwi ya Elia.”

¹⁶⁴ Ha na sa bulela, Mulimu amu kuzisa. Ki hali, “Yo ki Mwana Ka ya latwa Mo Ni katelwa. Mu Mu utwe.” Mwabona? Mulimu na ikenyize Iliyena kwa mulaho wa makalelo, mi, “Yo ki Mwana Ka.”

¹⁶⁵ Mushe na yemela mulao. Bapolofita ne ba yemela kuluka kwa Hae. Ne lu sa pili ka mulao wa Hae. Halukoni kupila ka kuluka kwa Hae. Ha ni kupi kuluka. Ni bata sishemo, isiñi kuluka. Hani koni kubuluka mulao wa Hae, mi ha Ni koni ku kwanisa kuluka kwa Hae. Kono Ni tokwa sishemo sa Hae. Mi Mulimu ali mulao ni kuluka li kopani ku Yena. “Ki Mwana Ka ya latwa. Mu Mu utwe. Yani ki Yena. Yani luli ki Yena.”

¹⁶⁶ Cwale, mwa Testamente ya Kale mwana yani ha na añulwa, kamba ku beiwa mwa lubasi, libizo la hae neli fumaneha hande fa cke sina la bo ndatahe mo ne libezi. Eni, sha. Ne ba sina . . . Ne bana ni lisale, mazazi ani, ili—ili sisupo, lisale. Mi ne ba . . . [Muzwale Branham ueza lilata la kukwa mati ni kunata fa katala—Mu.] Ba kwela, fateni mati, nekuna ni lisale. Lani neli fela . . . Na tinisiwa lisale la ndatahe, lona lisale. Mi lani neli fela lelinde sina la bo ndatahe.

¹⁶⁷ Cwale, Jesu amano ba ya utwela, Jesu ku Mulimu, Mulimu a Mu beya ka swanelo mwa sibaka, “Yo ki Yena.”

¹⁶⁸ Cwale, membala ha pepwa ka Moya o Kenile mwa lubasi lwa Mulimu mi ubonisa kuli ubile ni mata ao ku yena, kuli Mulimu wakona kubona mata, zibo, buiswalo, pilutelele, lilato la batu kamukana, ni bumulimu, ku yena, kipeto Mulimu wa mu swaya, kamba ku mu beya mwa libaka. Mi, kwani, fani kona fo mu bonela bana ba bashimani ni basizana ba Mulimu.

¹⁶⁹ Mi, Maefese 4:30 ili, “Musike mwa halifisa Moya o Kenile wa Mulimu, ili o mu swailwe kaona kuisa Lizazi la kuliululwa kwa mina.” Cwale, babañwi ba mina ba Baptist ba ba bata kuya kwa silelezo ya Kuyakuile, cwale, haiba mu ka taha kwa kalulo yeo, Ni ka yema ni mina. Ki silelezo ya Kuyakuile haiba mutaha kwa sibaka sani.

170 Kono ka kubulela fela kuli, mutu kaufela uli, “Ni ikopanyize kwa keleke ya Baptist. Ni wa Presbyterian. Ni na ni silelezo ya Kuyakuile.” Ao ki mafosisa. Bupilo bwa hao luli bu paka kuli hauna Ona, kufitela Se si liteni.

171 Mi Mulimu u ku añuzi ni ku ku swaya ka Moya o Kenile kukena mwa Mubuso wa Hae, konakuli hakuna kuzwa mwateni. U silelelizwe Kuyakuile. Lumela. “Musike mwa halifisa Moya o Kenile wa Mulimu ili ka ona wena ni mata a hao a bumulimu mu swailwe kufitela Lizazi la kuliululwa.”

172 Ni lumela kuli kuna ni Munyaliwa ya lemuhilwe kale. Ni lumela kuli Mulimu na bulezi kuli Ukaba ni “Keleke yesina litiba kamba nyazo.” Ni lumela mwa kulemuhiwa, kuli Munyaliwa ulemuhilwe kale. Una ni kuba Kwani. Ni sepa kuli Ni inzi ni Yena. Kuli, mwabona, Ni inzi ni Yena. Cwale kuitingile kuna kuli ni beleke puluso yaka ni Mulimu, kufitela lika ze li pakiwa ki Mulimu, mi ni kuswaelwa mwa Mubuso wa Mulimu. Ki wo Moya o Kenile. Ki yeo misebezi ya niti ya Mulimu. “I swailwe kuisa Lizazi la kuliululwa.”

Yani neli tolo ya hae. Ne ni hupula kuli neli yende.

173 Cwale, kabakaleo, Ha eza cwalo, Keleke yani hai taha mwa sibaka se, kamba mutu anosi, Keleke ikaba Teñi. Mutuhele ni bulele hande luli kuli mu utwisise. Keleke i lukiselizwe kuba Kwani. Ni bata kuba ni Yona, kono nzila fela inosi ye Ni kaba ni Yona, ki kuba siemba sa Yona. Kana Ni ba cwani siemba sa Lona? Ka kuba ku Yona. Kana Ni kena cwani ku Yona? Ka kolobezo, ya Moya ulimuñwi. Makorinte Bapili 12, “Ka Moya ulimuñwi luna kaufela lu kolobelizwe mwa Mubili ulimuñwi.” Mubili Ulimuñwi; lu kolobelizwe ku Ona.

174 Kono ha mukoni ku comeka lika zenyinyani ze, kuli, “Ni bulezi ka malimi. Ni na ni Ona.” U zwela fande, inge u nyemile, ni kukonka, ni kuzwelapili cwalo. Mwabona? Koo ki kucomeka mafufa a ngangalukunyi mwa—mwa kambalamatende. Mwabona? Hamukoni kueza cwalo. Bupilo bwa hao luli bu paka kuli ha ki cwalo.

175 Kono cwale lika ze ha li beleka ku wena, ka Mulimu, konakuli u swailwe. Konakuli hakuna ze comekiwa ku zona fela. Wena fo so li fela unosi. Zeo kona foo lipono, ze petehile, Moya, misebezi ya Mulimu, lika kaufela, li bonahalile, kakuli (kini?) wena ni Kreste mu ba alimuñwi. Ni sepa kuli seo si utwahalile. Wena ni Kreste mu na alimuñwi.

176 Ne ni na ni sesiñwi sene Ni ñozi fa, se ne Ne ni bata ku nahana ka sona. Se U lutisa mwa sibaka sa Bupilo. Mi uba . . . ni Bupilo Bobusafeli.

177 Cwale, Nina ni buka ya litaluso za manzwi a Sigerike fa, yeli *The Emphatic Diaglott*. Ne ni balile zazi leliñwi fa linzwi cwana.

178 Cwale, mwa Joani 14, kamba Joani 3:16, lu fumana cwana, sibaka sesifwi sili, “una ni Bupilo bwa *kamita*.” Sibaka sesifwi si bulela kuli, “una ni Bupilo *Bobusafeli*.” Kono mwa Sigerike, ka manzwi a Sigerike . . . Mwa Siheberu, i bulela kuli, “Bupilo bo bu sina mafelelezo.” Mwa linzwi la Sigerike, li peletelwa kuli a-i-n-i-o-a-n.

179 Mane inge “*aeon*.” *Aeon* ki “sibaka” se si sa konahali kuba cwalo, ki nombolo ye sa koni ku baliwa. Lifitelela ma milioni, ma tililioni, ma bilioni.

180 Kono ye ki *aionios* ya nako, Bupilo Bobusafeli. Mi linzwi la Sikuwa la teñi ki Kuyakuile. Lu li ziba kuli ki Kuyakuile, ki *aionios*, kamba “Bupilo bo busina mafelelezo.” Mwabona? Mi haiba una ni Bupilo bo bu sina mafelelezo, ukona kushwa cwani? Mu se mubile siemba sa Kuyakuile. Mi kuna ni fela nto iliñwi ya Kuyakuile.

181 Satani ha ki wa Kuyakuile. Batili. U—u bile Satani. Lihele ha ki la Kuyakuile. Lihele ne li bupilwe. Ha ki la Kuyakuile. Mi mibili ye ha ki ya Kuyakuile. Ne i bupilwe.

182 Kono Moya wa Mulimu ki wa Kuyakuile. Ne u sina makalelo, kamba mane Hauna kuba ni mafelelezo. Mi nzila fela inosi yelukona kuba ni Bupilo Bobusafeli ka yona, kuzwa kwa linzwi la Sigerike lani, *Zoe*, le litalusa kuli, “Bupilo bwa Mulimu kasibili,” luna ni, luba siemba sa Mulimu ha lu ba bana ba bashimani ni basizana ba Mulimu, mi luna ni Bupilo bwa *aionios*. Kacwalo siemba se si pila, luna, se si lemaha Linzwi le, kuzwa *fa kuya fani*, se si lemaha lika, ki Bupilo bwa *aionios*, “Bupilo bo bu sina mafelelezo.” Ki Bupilo bwa Mulimu Kasibili ku luna. Amen. Whew!

183 Zazi leliñwi, fa musipili, Ne ni bile ni ngambolo, neli Paki ya Jehova. Cwale, ha ni nyazisezi tumelo ya mutu kaufela. Luna ni babañata ba bona baba fetuhezi kwa bupilo baba liteni mo, kuzwa kwa Lipaki za Jehova. Alimuñwi wa basepahali ba keleke ye neli Paki ya Jehova, *nali* cwalo, mi a piliswa, yena ni lubasi lwa hae. Bo ndatahe neli ba bali; Muzwale Wood ni babañwi. Mizwale ba hae kaufela ni likezeli cwale, buñata bwa bona kaufela ba tile mwateni, ba amuhezi Moya o Kenile, bakeñisa lipono za Mulimu ku ba bulelela sene ba ezize. Mi seo bona . . . Mwabona? Sani se si eza lika.

184 Cwale, kono fa, Paki ya Jehova mwa buka ya bona, ibulela kuli bupilo bo u buyela kona moyo. Cwale, zeo halikoni kuba niti. Moya o buyela ha ki moyo. Haiba ki ona, una—una ni nako yeñwi u moyo usili, nako yetatama u sika sisili fela, u buyezi moyo wani. Talima ko kona kuba. Cwale, moya obuyelwa ki moya fela, mi moya kona o buyelwa mwa lingo za hao.

185 Cwale, ba nga Liñolo kuzwa kwa mulaho lelili, “Mi Mulimu a bululela Bupilo mwa lingo za hae, mi aba moyo o pila.” Cwale, Ni bata ku mi buza nto yeñwi. Haiba nali mutu, neli mufuta mañi

wa moya wa na buyela Mulimu a si ka bululela kale Moya wa Bupilo ku yena? Mwabona? Neli mufuta mañi wa moya? Na li bupilo, mutu ya pila. Kihande, he, haiba zeo li cwalo, kona kuli kanti folofolo kaufela ki moyo o pila, kakuli i buyela bupilo bws butu, ni moyo wa luna, ni zeo kaufela hamoho. Kona kuli Jesy na si ke kushwa. Sitabelo sa folofolo ne si ka likana. Mwabona? Kacwalo, muzwale, kañi ha i na mayemo.

¹⁸⁶ Kono sa na ezize Mulimu, A bululela Moya wa Bupilo Bobusafeli, amen, mi aba moyo o pila, moyo o sa shwi. Cwale mutalime cwale. Luka kena mwa linosi, amu tiise liñokolwa zamimina. Mulemuhe. “Kubuyela Bupilo Bobusafeli mwa lingo za hae, mi aba moyo wa Kuyakuile.” Kakuli, Mulimu na bululezi, isiñi ze iezize pupo, kono ki za ezize Mulimu, a bululela Moya wa Bupilo mwa lingo za hae, mi aba moyo o pila.

Mi mu ni bulelela kuli, “Adama na shwile, Muzwale Branham.”

¹⁸⁷ Kono muhupule, mane Adama a sika shwa kale, nana ni ngunyana ye ne mu liuluzi. Haleluya! “Bona ba Na zibile kale, U ba bizize.” Na ngile ngunyana kuli aba liulule. Nali mufuta. Adama na wile. Mi ngunyana ne i ezelizwe Adama, kakuli kale mwa lingo za hae na sa bile ni Bupilo bwa Mulimu bwa Kuyakuile, mi a ba moyo o pila. Nali mwana Mulimu.

¹⁸⁸ Isiñi bupilo bwa hae, sina linzwi la mwa Africa. Ha ni sa ziba kuli linzwi la si Gerike ki lifi, ona fa cwale. Kono linzwi la mwa Africa, ba biza kuli *amoyah*, le litalusa kuli, “ki moya; ki mata asa bonahali.” Lifolofolo li buyela amoyah yeo. Baezalibi ba buyela ona amoyah yeo.

¹⁸⁹ Cwale kiñi hane lu ka ikataza ka Bupilo Bobusafeli, haiba nji wani ki moyo wa Kuyakuile o bululezi ku luna ka bupilo? Ki kabakalañi hane luka ikataleza Bupilo Bobusafeli? Bwa kutela kuluna, muzwale. Mwabona? Ha—ha—ha kukonahali fela kueza cwalo.

¹⁹⁰ Kono, Mulimu, ka swanelo ku Adama, a bululela Moya wa Bupilo Bobusafeli, mi aba mutu wa Kuyakuile ni Mulimu. Nana ni mata sina Mulimu. Nali ka kalimu kakanyinyani. Na li kalimu fa lifasi; isiñi Mulimu wa Lihalimu, cwale. Mulimu wa lifasi!

¹⁹¹ Mi zazi leliñwi bana ba Mulimu ba ka ba balimu hape. Jesu na bulezi cwalo. “Kana ha ku si ka ñolwa mwa mulao wa mina kuli, ‘Mina mu milimu?’ Mi haiba mukona kubiza bane ba bizizwe ki Yena kuli milimu, be Mulimu na potezi, mu ka Ni nyaza cwani Na, ha ni bulela kuli, ha Ni bulela kuli Ni Mwana Mulimu?” Mwabona? Cwale lu kena mwa nto yeñwi ye tungile. Cwale mutalime se ha lu nze lu titimeza fafasi.

¹⁹² Cwale, ki ba fa. Yena cwale seli mwana Mulimu, kono ueza mafosisa. Wa ziba kuli wa fosa. Cwale muhupule, Adama na si ka pumiwa. Bibebe ibulezi ona cwalo. Timotea Wapili 3. “Adama a si

ka pumiwa, kono musali ki yena yana pumilwe, mi a kena mwa foso.” Adama a zamaya ni Eva, kakuli neli musala hae.

193 Kuswana sina Kreste, ha si ka pumiwa ki Satani, kono a kena mwa lifu ni Munyaliwa. Na i lo ba ni Munyaliwa, kuli A liulule Keleke.

194 Adama na ziba kuli na fosize, kacwalo a zamaya fela ni Eva. Mwabona? Kono nekuna ni ngunyana yene ba lukiselizwe, kuli ba liululwe.

195 Mi lingu ze, kacenu, ze ne zibilwe kale ki Mulimu, mi Mulimu u bizize, kuli Muliululi uteñi. “Hakuna mutu yakona kutaha ku Na konji kuli Ndate A mubize. Mi kaufela ba Ni file Ndate baka taha ku Na.” Ki niti yeo? Kacwalo kuna ni Ngunyana ye lukisizwe, kuzwa kwa mutomo wa lifasi, koo mabizo a bona na beilwe mwa Buka ya Bupilo ya Ngunyana. Ngunyana ne i lukisizwe, kuli ibe nzila ya sishemo ku mutu ni mutu wa bona kuli aye mwa zuho, Ngunyana ye lukisizwe; Ngunyana ya Adama, cwale mulemuhe, sina Adama mwa na bezi ni ngunyana ye lukisizwe.

196 Cwale, yeo ki Keleke kacenu. Ha ni talusi kuli ki—ki keleke. Mwa ziba kana?

197 Hani buleli se ka kuba ni kashwau, mi ha Ni talusi ku filikanya maikuto a mutu. Haniyo mo kuli ni eze cwalo, sina ha Ni talusize kale na kasibili. Ni tile kwanu ku to tusa, kono se Ni lika kueza . . .

198 Mwa ziba kana? Kaniti, likeleke ze ha ki likeleke mane. Kuna ni fela Keleke iliñwi. Ze ki libaka za malobalo. Mwabona? Ki libaka za malobalo. Hakuna se ni nani . . . Kaufela li lukile. Kono Ni—Ni bata ku mi bonisa seo, mwa mizuzu yelikani, kuli ki libaka za malobalo fela. Mu ba siemba sa malobalo a ba Methodist, kwa malobalo a Presbyterian, kamba kwa malobalo a Pentekota, kuya ka zeo mo li zamaela. Eeni, um-hum. Libaka za malobalo! Mwabona? Ha ukoni . . . Mwabona? Likeleke mane ki libaka fela za malobalo koo batu ba milelo yeswana ba yembulukela hamoho.

199 Kono Keleke ki Iliñwi. Mi hamukoni ku ikopanya kwa Keleke. Mu pepwa ku Yona. Mi ha u pepilwe ku Yona, u membala wa Yona.

200 Kuswana fela sina lubasi lwa ka. Ni bile mwa lubasi lwa ba ha Branham ka myaha ye mashumi aketalizoho ni zetalu. Ne ba si ka ni kupa kuli ni ikopanye kwa lubasi. Kiñi? Ha ni lukeli kuikopanya kwa lubasi. Ni pepilwe nili mu Branham.

201 Mi mu pepezwi mwa Keleke. Cwale, haili zeñwi ze ki libaka za malobalo. Kana mukile mwa nahana zeo? Eeni, sha.

202 Zazi leliñwi ne Ni sweli ku ngwenjula bucwani, mi ne Ni sweli kunahana ka zona, kihande, “Keleke yetuna ye kenile ya

Katolika,” kona mo ba i bizeza. Ne ni sweli kuya cwalo, inge ni ngwenjula.

203 Mi Sesiñwi sa ni yemisa, ka buhali luli, sali, “Usike wa biza sani Cwalo.” Na talima kafa ni kafa. Na zwelapili fela kungwenjula. Hape Sa ni tuhelisa, sali, “U si ke wa ba biza Cwalo.” Kuli, “Ki libaka za malobalo, inge zeñwi. Ha ki Keleke. Kuna ni fela Keleke iliñwi.” Mwabona? Ki ma membala ba malobalo a bazamai, kakuli ukona ku ikopanya kwa ndu ya kulobala. Kono ha ukoni ku ikopanya kwa Keleke. Keleke, u pepilwe ku Yona. U ba membala wa Yona ka Kupepwa sinca, mi uba membala wa Lubasi, muzwale kamba kezeli ku Yona.

204 Cwale haluboneñi ni mi balele fela mwa *Emphatic Diaglott* fa, nto yeñwi, ya Sinulo 17:3, ni Sinyeho yaba *The Emphatic Diaglott* fa. Mi mutalime fela se, ka mo si ñolezwi, mi ka—ka mo si tamahanela hande ni sani. Sinulo 16, 17. Ku lukile. Cwale ha lu baleñi fateni fa muzuzu fela. Muteeleze ku se, ka tokomelo luli, Sinulo 17:3.

*Mi leliñwi la Mangeloi a SEBENE ANI ne lisweli . . .
Likwana ze SEBENE mi la bulela ku na, . . .*

205 Ni mi balela, mwa buka ya *Litaluso za manzwi*. “Lisweli . . .”

*. . . “Taha, Ni ka ku bonisa KATULO ya LIHULE LELITUNA
LANI, le li inzi fa Mezi a Mañata;*

206 Mi kaufela lu ziba kuli yani ki Vatican. Fa luna ni *Our Sunday Visitor* mwahali mwani, yezwa mwa keleke ya Katolika, ye lu bulelela fela handende mo kuinezi. Mwabona?

207 Mi kalabo ye ku yona, ili, “Kono libelela fa muzuzu.” Ali, “Kubile mabizo a mifuta kaufela,” ali, “akona kueza sikisi handeleti ni sikisite sikisi.”

Se nili, “Kono fa muzuzu fela.”

Ali, “Libizo la hao lakona kueza mianda ye silezi . . .”

208 “Kono,” Se nili, “Ha ini fa malundu a sebene, ni ku busa lifasi, na, mwa bona.” Uh-huh! Mwabona? Yeo ki niti. Mwabona?

209 [Muzwale Branham ubala Sinulo 17:1 kuzwa mwa buka yebizwa *The Emphatic Diaglott*—Mu.]

*. . . ni ku bonise KATULO ya LIHULE LELITUNA, le li inzi fa
Mezi a Mañata;*

210 *Mezi*, Sinulo 17:15, ki “siimpiti ni buñata bwa sicaba.” Mwabona?

*MALENA a LIFASI le bapilile ka buhule ni yena, kakuli
MACABA ni baba yahile mwa LIFASI ba kozwi veine ya . . .
BUHULE bwa hae.*

211 Cwale sikamañi?

Mi ki ha li niisa, mwa Moya, kukena mwa Lihalaupa; . . .

212 Kifo mwa *Emphatic Diaglott* cwale. Mwabona?

. . . mi Na bona Musali ya inzi fa Sibatana se si fubelu, se si tezi Mabizo a Kunyefula, . . .

213 Cwale, ku King James, ili, “mabizo amañata a linyefulo.” Fa nako nyana fela, mi Ni ka ifumana fa, fa muzuzu fela. Sinulo, ya 3. Ku lukile, ki ye fa. Ku lukile. Sinulo, Ne ni talusa 17, isiñi 7; 17, cwale muteeleze fa timana ya 3.

Mi la ni isa mwa lihalaupa ka moya: mi Na bona musali ya inzi fa sibatana se si fubelu, se si tezi mabizo a ku nyefula, . . .

214 Cwalo kona mo i bulelela mwa Sikuwa. Kono Sigerike sa makalelo kuzwa kwa *Diaglott* i bala sina cwana, mwa Sinulo 17:3. Muteeleze.

Mi a ni iisa, mwa Moya, mwa Lihalaupa; mi Na bona Musali ya inzi fa Sibatana se si fubelu Sibatana—Sibatana, se si tezi Mabizo a Kunyefula, . . .

215 Zeo za shutana luli, kuzwa kwa “mabizo a kunyefula” kuba “mabizo a nyefula.” Ki sikamañi seo? Mi luna . . . Cwale, nali cwalo:

. . . MAHE MAHULE . . .

216 Kaufela lwa ziba cwalo. Kono ki sikamañi seo? [Muzwale uli, “Ki keleke ya Roma ya Katolika.”—Mu.] Ha u lukeli kuba . . . Kihande, yeo ki niti, zeo likona kunga keleke ya Katolika ya Roma. Kono yena u “tezi mabizo a kunyefula,” Methodist, Baptist, Presbyterian, Lutheran, kaufela basweli kuipiza, “likeleke za Mulimu.” Mabizo a kunyefula! Shutano ki yetuna mwahala “mabizo a kunyefula” ni “mabizo a nyefula.” Baipiza kuli, “ki Keleke ya Mulimu,” ni kuitahisa ili bona fapila lifasi; ni mikiti ya makadi, ni kunwa, ni kuzwelapili cwalo, ni mikiti ya malyalya a kupuka mulo, ni lika zeñwi kaufela, ni lika za mifuta kaufela.

217 Kuna ni fela Keleke iliñwi. Mu pepilwe ku Yona. Ha u si tahi Mwateni konji haiba u tapile mwa Mali a Ngunyana mi u swailwe ka Moya o Kenile.

218 Ha ki shutano ni yeo mwahala “mabizo a kunyefula” ni “mabizo a nyefula.” Mwa utwa nji? [Kopano ili, “Amen.”—Mu.]

219 Ni fumani seo ha ne Ni bala kakusasana kacenu mo, inge . . . Nitaha fafasi, Sesiñwi sa ni bulelela fela, “Kena mwa muzuzu wa hao. Nopa *The Diaglott*.”

220 Kihande, ki ku utwela fela. Ku felile. Na kena mwahali. Mi Na nga Sinulo 17. Na hupula kuli, “Kiñi ha Zo batela kuli ni bale ye kanti?” Na kala kubala. [Muzwale Branham uliza minwana ya

hae—Mu.] Ona fani hane Ni tilo nata fateni, “Ki yani fani.” Na pamula potoloto ni ku iñola. Se nili, “Ki yeo foo.”

221 Cwale, ba sweli ku ni nyaza ka kuomanya likopano. Ki ona mabizo a kunyefula ani, a ipiza añi kuli, “likeleke za Mulimu, ni likeleke za Kreste, ni likeleke za Methodist, ni likeleke.” Ki miyaho ya malobalo, isiñi likeleke.

222 Keleke Iliñwi, yeo ki Keleke ya Mulena Jesu Kreste. Mi ki sikamañi Seo? Ki Mubili wa kunutu wa Jesu Kreste o beleka mwa lifasi, ye ezizwe ki membala wa yeñwi ni yeñwi kaufela ya liputeho zee, zekona ku ba Mubili wa Kreste. Mu lukela kupepwa ku Yona, isiñi ku ikopanya ku Yona.

223 Mi ku ikopanya ku yona, ki mabizo a kunyefula, musali yo. Musali yo, mata a hae!

224 Mi mwa bona cwale ko ba ka isa batu kaufela ba ba na ni milelo ye ipitezi ka za bulapeli, ni kuluma kwa Alaska. Mu boni cwalo. Litumelo za luna ze ipitezi kaufela.

225 Mi ki sikamañi seo? Ki katengo, ili Katengo ka Likeleke za Lifasi mi ba Katolika bana ni zetuna za kueza ha liwela ku za Vatican cwale, kulo kwani, ko basweli kulika cwalo. Mi mabishopu ba kaufela, ni babañwi cwalo, balika kutaha kwa tumelelano, ku to lwanisa swalisano. Lifasi lisweli kulwanisa swalisano, ni kuikopanya fela ni kwa Bukatolika.

226 Kuswana fela inge mo kuinezi kacenu. Ki luna ba fa, sina ha Ni bulezi. Lu ya . . . Se lu bata kufelelwa ki lika ze na ni tuso. Lusweli ku kupelela, lusinyehelwa ki masheleñi cwale, fa mitelo ye ka lifiwa lilimo ze fotini kuzwa kacenu. Kona buhule bwa musipili o se luile. Kimañi ya na ni masheleñi a lifasi? Ki keleke ya Katolika. Kana ikona ku tusiwa cwani ki ba United States? Ka kubuluka likampani za ze kola zani ni lika zeñwi. Luli, ba ka a kolota kubona. Mi ha ba eza cwalo, ba lekisa tukelo ya kupepwa kwa bona, ona foo, kwa keleke ya Maroma ba Katolika. Luna lu itiisa fela. Mutalime se, ka kupatalala fela, kupatalala kufita kubala mutende. Ki se fa. Mwabona?

227 Ki ba Methodist, Baptist, Presbyterian, ni babañwi cwalo, baba ipiza kuli, “ki Keleke ya Mulimu.” Katolika mi mifuta yeo kaufela ki mata a sibatana se si tezi mabizo a nyefula. U ipiza kuli, “Niwa . . .” Se nili . . .

228 Ne ni ile kwa sipatela kwanu, ha ki kale hahulu, ku yo lapelela mutu. Se nili, “Luka ba ni . . .” Neli boma. Se nili, “Lu ka lapelela bo ma.”

Mi kalibe ali, “Wisa lisila leo.”

Se nili, “Kana ha u Mukreste nji?”

Musali ali, “Lu ba Methodist.”

229 Se nili, “Ni itumezi. Ne ni hupula kuli mwendi u mulumeli.” Na wisa fela lisila ku na. Mwabona? Kacwalo, haiba ha u Mukreste, zeo za shutana. Mwabona?

²³⁰ Kono, “Luna luba Methodist,” koo ki kunyefula. Sibatana, likeleke, ze bizwa likeleke, ha ki likeleke. Mutuhele ni bone hande kuli seo si kena hande fa piho sa rekodiwa. Eehe. Ha ki likeleke. Ki libaka za malobalo. Batu ba ikopanya ku zona.

²³¹ Kono haukoni ku ikopanya kwa Keleke ya Mulimu yapila. U pepwa ku Yona, ka kolobezo ya Moya o Kenile. Mi ha u kolobelizwe ka Moya o Kenile, mata ao a swailwe ku wena, ka Moya o Kenile, mi kabakaleo, “Ya pepilwe ki Mulimu ha ezi sibi.” “Haku konahali.” Ki fo he cwale. Oh, mawi!

Lu ka mbombola fela musihali kaufela, nji cwani?

²³² Keleke ki Mubili wa kunutu ya Kreste, o pepilwe ka Moya wa Mulimu. Oooh! Kana mu utwile? [Kopano ili, “Amen.”—Mu.] Keleke ya Mulimu i pepilwe ka Bupilo bwa Mulimu. Mulimu a bululela Moya mwa bupilo mwa lingo, ka moya, wa Adama, mi aba mutu yapila. Kana mwa ziba mapentekota, kamba Keleke ya pentekota ya niti, i pepilwe ka Moya wa Mulimu?

²³³ Ha lu boneñi ni mi balele nto yeñwi, fa muzuzu fela ka yona. Halu boneñi, fa muzuzu fela. Muñoli Joani, Na lumela, ko Ni i ka fita. Lu ka fumana haiba Keleke ya Mulimu i cwalo, kamba nee. Muhalalehi Joani, ha lu boneñi, Ni lumela kuli ki ka 16, 19; 20. Ku lukile. Fa Ni lumela kuli lu ka ifumana, cwanoñu fa. Ku lukile. Ha luboneñi ni mi balele yona, mi mubone haiba Keleke i pepilwe ki Bupilo bwa Mulimu, kamba nee, sina Adama mwa na bezi kwa simuluh. Mutalime.

Mi ka zazi leli swana ili manzibwana, kakuba lizazi la pili la sunda, likwalo inge li pakilwe mi balutiwa ne bakopani hamoho ka kusaba Majuda, Jesu ataha mi ayema mwahala bona, mi ali ku bona, Kozo ibe ku mina.

Mi amano bulela cwalo, a ba bonisa. . . mazoho a hae ni makupo a hae. Koo. . . Balutiwa ba wabelwa hahulu, ha ba boni Mulena. Mi Jesu. . .

Mi Jesu ali ku bona hape, Kozo ibe ni mina: mwa Ni lumezi Ndate, . . . ni na Ni mi luma cwalo.

²³⁴ Mutalime. Ndate yana Mu lumile aya ku Yena. Mi Jesu, ha Luma mulutiwa, Ukena mwahali ku yena. Yena Yaswana yana lumilwe; Mulimu.

Mi asino bulela cwalo, a ba bululela, mi ali. . . Mu amuhele Moya o Kenile:

²³⁵ Keleke, ye pepilwe ka Moya wa Mulimu! Sibupeho se ha se si ipupile hande mwateni, ka swanelo, Bupilo bwa Mulimu bu ka bululelwa mwateni, “Amuhela Moya o Kenile,” konakuli u ba mwana Mulimu. Wakona ku ikopanya kwa sika kaufela so bata, kono mu pepezwi mwa Keleke ya Mulimu yapila, kupepwa ka Moya wa Mulimu. Mulimu a ba bululela, mi ali, “Mu amuhele,” whew, “ki wo Moya o Kenile.” Oh, mawi! Ki fo he cwale.

236 Isiñi, “Mutahe mu ikopanye, mubeye libizo la mina fateni.” Mi ni mikiti yamina ya mulalelo ni zeñwi kaufela ze zamaelela ni zona, mu ikopanya mwa sibaka sa malobalo. Wakona ku i kopanya kwa ndu ya ba Methodist, Baptist, malobalo a ba Presbyterian, malobalo a ba Katolika, kamba malobalo a ba Pentekota, sika kaufela so bata kuikopanya kusona, kono u ikopanya kwa ndu ya malobalo.

237 Kono cwale ha u ba mwana Mulimu, u pepwa ka Moya wa Mulimu. Amen. Mbweshha kihande uzwe ku zeo cwale. Ku lukile.

238 Bupilo bwa Mulimu bu ku wena hape, Jesu na bulezi. Fa muzuzu fela. Jesu naize, “Kina Kota. Mina mu mutai.”

239 Cwale a mutalime. Ne ba kananela sikamañi ni Jesu? Likañi la bona ni Jesu, kakuli Yena ka kuba Mutu na Ikeza Mulimu. Nali yena Mulimu. Mulimu nali ku Kreste. Mwabona? Mi A ba bulelela. Ki hali, “Mi musike mwa Ni talimela. Ha ki Na. Ki Ndate, mi U pila ku Na.” Oh! Mwabona?

240 Cwale, ne ba talima mubili o musisani wani o no pepilwe ku Maria. Mwabona? Yani ne si Mulimu. Yani neli Mwana Mulimu, kono Mulimu nali mwa Mubili wani. Neli Mulimu. Na ize, “Ha Ni sa ezi misebezi Ya Ndate, kona kuli mu Ni nyaze. Kono ki mañi wa mina yakona ku Ni nyaza ka sibi, ku sa lumela kwa Linzwi? Ki Linzwi lifi leo Mulimu abulezi le li si ka talelezwa ku Na?” Sibi ki kusa lumela. “Ki mañi wa mina ya ta Ni tameleza sibi?” Sibi ki kusa lumela. “Mu ni bonise. Ha ha Ni sa ezi misebezi Ya Ndate, konakuli musike mwa Ni lumela. Kono haiba Ni eza misebezi ya Ka...Ni ha mu sa Ni lumeli, mulumele misebezi ye Ni eza, kakuli ya paka.” Ka manzwi amañwi, “Ndate u ku Na, inza paka za Hae.” Kakuli, “Mulimu nali ku Kreste, inza kutisana ni lifasi ku Yena.” Mwa utwa nji? [Kopano ili, “Amen.”—Mu.]

241 Kihande, cwale, ona Bupilo bobuswana bo buli mwa Kota kona bo bu inzi hape mwa mutai. Mu ka ikopanya cwani ku Zeo? Ha likoni.

242 Ne ni boni kota ha ki kale hahulu, mwa patelo ya Muzwale Sharrit kwa Arizona, neina ni miselo ye naini ye shutana ku yona. Neli sikamañi sani? Neli fela—neli kota ya olonji, ki lushaba lwa olonji. Kono neina ni—neina ni—ni lemune, ni tangelini, ni tanjelo, ni muselo wa gilepu. Neina ni mifuta kaufela. Na yema, na i talima kota yani. Mi se Nili, “Muzwale Sharrit, utalusa kuli kota yani ki kota ya olonji?”

Ki hali, “Luli.”

243 Mi se Nili, “Kihande, cwani? Kutaha cwani?” Se nili, “Ni bona muselo wa gilepu *fa*, ni tangerini *fa*, tanjelo *fa*, ni lemune *fa*, ni miselo yemiñwi ye kaufela. Kana ku taha cwani?”

Ki hali, “Kihande, mwa bona, li comekilwe fela kwateni.”

244 “Oh!” Se nili, “Kihande, Ni bata ku kubuza nto yeñwi. Cwale, u zwise kwateni muselo wa gilepu ni wa lemune. Cwale, isaho, ku ka ba cwani? Li ka taha cwale ni olonji ya yona.”

“Oh, batili.” Ali, “Ku ka taha lemune ku yona. Mwabona?”

“Oh,” Se nili, “ni itumezi.” Mwabona?

Ha ukoni kueza cwalo. Ha ukoni kuikenya fela ku zona.

245 “Kono,” na ize, “nako kaufela yeo kota ikala ku hula ni kubeya mutai omunca, itaha ni ma olonji, haiba kota yona kasibili i ka ibeya mutai wateni.”

246 Mi ze lu likile kueza ki kuba ma membala baba ikopanyize ku Yena, mi lu pila mwatasa libizo la Bukreste. Kakuli, luna fa, sina haili ka mukwa o zibahala wa kubulela kuli lu miselo ya litolwana hamoho, yona Keleke ya Bukreste.

247 Kono haiba Kota Kasibili ibeya mutai, u kaba inge Kota ya makalelo mo ne I beezi. Haiba Kota yapili i ka shoshela mutai wa Yona, ne ba ñozwi Buka ya Likezo ku Yona; haiba Ika tubula omuñwi, Ika ñola buka ya likezo mwa mulaho wa Yona. Kiniti.

248 Kacwalo, musweli fela kuikopanya kwa malobalo. Kono cwale ha mu pepwa ka Kota. . . Muna ni muselo. Yeo ki niti. Muna ni muselo, kono mueza sikamañi ka zona? “Una ni mubonahalelo wa bumulimu, mi ulatula mata ateni.” Mu latula lisupo. Mu latula limakazo. Mu latula Moya o Kenile. Mu latula kubulela ka malimi. Mu latula lipono. Mu latula sipolofita. Mu latula foliso. Mi, ibo, “Mu ipiza ka libizo.” Ki kabakaleo Moya o Kenile no ize, “Mata, a likwata za batu, a banyefuli ba mabizo, luli, ba ipiza kuli, ‘Bakreste.’” “Ni mubonahalelo wa bumulimu, kono ba latula mata ateni. Ku baa cwalo musabe kwateni, kakuli bao kona ba mufuta wa baba swala basali baba imezwi ki mitiyo ya litakazo zeñata.”

249 Likopano za mifuta kaufela! Keleke inani zona mwa buñata, za mufuta wa katengo ka ka *cwana*, ni katengo ka mufuta *wani*. Ku cwani he kwa katengo ka Jesu Krete? Mwabona? Luna ni lika zeñwi ze kaufela, mi lu tobohile keleke. Cwale ki fo he cwale.

Ha ukoni ku ikopanya kwa Keleke.

250 U ikopanya kwa ndu ya malobalo. U ba membala wa malobalo ao, wa sikwata sa batu, inge fela malobalo mwa inezi. “Lu lumela ku *se*. Luna ni milao ya luna. Luna ni kunutu yaluna, ni zeñwi cwalo.” Mu eza ka nzila yeswana, fela una ni ku kopanya kwa keleke ya kuli.

251 Kono haukoni kuikopanya kwa Keleke. Mu ikopanyize kwa ma membala ba ndu ya malobalo, kono isiñi Keleke, kakuli upepezwi mwa Keleke yani mi ni Kota Kasibili.

252 Cwale mulibelele fa muzuzu. Mutalime. Ni ka kwala, kasamulaho nyana. Mulemuhe. Muni swalele. Ne—Ne ni sa talusi kubulela cwalo. Mutalime. Mutalime.

253 Haiba Mulimu na ka swala Munyaliwa yo ka Moya wani, konakuli Ki kuswala mutu ka buyena hamoho ni Moya wani, mwabona, konakuli u pepezwi mwa Mubuso wani. Mi cwale ona Bupilo luli bone buli mwa Keleke *ye*, bu mwa Keleke *yani*, ni *Yani, Yani, Yani, Yani*. Mi ona Bupilo luli bone buli mwa sibaka tenyene, ili Kota, Jesu, bu ku membala yo A beile mwatefi. Kanya! “Ka lika ze swana ze Ni eza, misebezi ye Ni eza, muka i eza ni mina.” Kuna ni membala wa niti wa Mubili wa Kreste, hakuna mufuta wa libizo le li beilwe ku Ona. Yona misebezi luli ya mutu yani ipaka kwa na zwelela. Bupilo bwa hae bu paka seo ali sona.

254 “Kana u wa siemba sifi? Ki mubili mañi o swanela kuba ku ona?” Ki Mubili wa Kreste. “Kihande, ki kai ko u ikopanyize ku Ona?” Ne ni si ka ikopanya. Ni pepezwi ku Ona. Mwabona? Ni pepezwi ku Ona.

255 Ha u lukeli ku ba bulelela. Ba ziba se si ezahalile. “Wena, ukona cwani ku monyeha kandela ni i kwahela tubana?” A bulelela. Mwabona? Batili, batili.

256 Ha u pepwa mwa Mubuso wa Mulimu wani, kona kuli Bupilo, ona Bupilo luli bone buli ku Jesu. Kona kuli una ni takazo mwa mioyo. Konakuli ha u lukeli ku kombelela batu, utahe kwa katala. Ha ulukeli ku kombelela mutu, atahe a to bata puluso ni babali fa katala. Eehe. Ki—ki—ki lika fela ze itahela linosi hande, kakuli Li swailwe ku wena. U siemba sa Mulimu. U swailwe ka Moya o Kenile.

Cwale kana mwa ziba seo “Moya o Kenile” u talusa?

257 Ha ku talusi kuli, “Ni tulile ni kuhuwa. Ni bile ni maikuto asili.” Zeo kaufela ki zende. Ni tulile ni kuhuwa, mi ni bile ni maikuto asili. “Ni bulezi ka malimi.” Ni lumela kuli Moya o Kenile ubulelanga ka malimi. Luli. “Ni tolokile.” Eeni, sha. Na lumela cwalo, nina. Kono zeo ha ki Zona. Zeo ha ki zona ze Ni ambola fateni. Kwakona kuba se si puya mwahali mo kokuñwi. Kwakona kuba se si puya *fa*, mwa tibeledo ya hao.

258 Mutu a ku bakula kwa lilama leliñwi, sifateho, kikuli uka sikulula ni leliñwi? Kono uli, “Muipi wa masila yani!” Kona kuli ku na ni kupuya, kokuñwi, ko ku tahile. Ki hande lu tuhele zeo. Ku lukile. Kono mwa ziba ze Ni talusa.

259 Kono cwale ha u swailwe mwa Mubili wa Kreste, konakuli u tezi Moya, mi u mwana Mulimu.

260 Oh, Ni lakaza kuli kambe Ni nani fela mizuzu yelishumi, ka kubala sesiñwi fa. [Kopano ili, “Zwelapili cwalo. Aku bale, muzwale.”—Mu.] Kono kana muka itiisa ni na ka mizuzu ye lishumi? [“Eeni.”] Ni bata kubala nto yeñwi, hanyinyani fela. Cwale, ka kusepahala, manawa ha na kucela. Ni ka mi sepisa fela, mwabona, haiba lu ka bala fela se fa mizuzu yelikani kihona. Ki nto yende fela kuli ni zamaye. Ni na ni fela lika zeñwi fa, zetile fela mwa munahano waka, ze Ni tabela kubulelela.

261 Ha lu apuleñi ku Muhalalehi Joani, kauhanyo ya 3, kubulela ka za Bupilo Bobusafeli. Ha lu fumaneñi fela se I bulela fa kuama Bupilo Bobusafeli boo, Bupilo bwa Mulimu. Cwale, cwale mutalime fa.

Cwale kwa Bafarisi, ne ku nani muuna ya bizwa Nekudema, wa kuta ya Majuda:

A taha ku Jesu busihu, kabakaleo mi ali ku yena, Muluti, lu ziba kuli u muluti ya zwa ku Mulimu: . . . kakuli haayo yakona kueza limakazo zo eza . . . Mulimu ha li siyo ku yena.

262 Cwale, bona, bona likuta zani za Sanhedrin zani, neba ziba kuli Nali yena Mwana Mulimu. Ne ba ziba cwalo. Fa ne kuna ni muzamaisi wa bona, yana Mu bulelela kuli, “Lu ziba kuli U Muluti ya zwa ku Mulimu, kakuli ona Bupilo bwa Mulimu luli bu buba ku Wena.” Mwabona? “Lu ziba kuli tuto ya Hao ha ki ya Hao Fela. Ki ya Mulimu, kakuli Mulimu wa I paka.” Mwabona? “Bupilo bwa Mulimu bu buba mwahala Hao.” Cwale mutalime.

Jesu amu alaba ali, Kaniti, . . . Ni li ku wena, Kwanda kuli mutu asepwe sinca, hakoni kubona mubuso wa Mulimu.

263 Oh, mawi! “Kwanda kuli u ikopanye kwa keleke yaka”? Oh! Mwabona mo ba Li lyanganiseza? Mwabona? Mwabona?

Jesu, mi Jesu a alaba, Kaniti, niti, Ni li ku wena, Kwanda kuli mutu asepwe ka mezi ni ka . . . Moya, hakoni kukena mwa mubuso wa Mulimu.

Se si pepilwe ka . . . nama ki nama; mi se pepilwe ka . . . Moya ki moya.

Si komoki ha Ni ku bulelela kuli, U swanezi kupepwa sinca.

Moya ufukela mo u lata, . . . Mwabona, ona fo kapili hape, mwabona, kukuta, mwabona.

Moya u fukela mo ulata, . . . mi ha u utwi mulumo . . . mi u utwa mulumo wa ona, kono ha u zibi ko uzwa, ni ko uya: ku cwalo ni ku mutu kaufela . . . ya pepilwe ki Moya.

Nekudema a alaba ali ku yena, Zeo li ka ezwa cwani?

Jesu a mu alaba ali, U muluti wa Isilaele, mi zeo ha u li zibi?

264 Mutalime fani, muzwale, ki—ki D.D., Ph.D., amabeli ma L.D., mwabona, “Mi ha u zibi litaba zee?”

Kaniti, . . . Ni li ku wena, Lu bulela ze lu ziba, ni kupaka ze luboni; mi ha mu lumeli bupaki bwa luna.

265 “Lwa ziba lika ze. Lu li boni. Lwa Li ziba, mi kono mane ha mu lumeli bupaki bwaluna.” Mutu ya ikopanya fela kwa keleke! Mwabona?

Ha mu sa lumeli ha ni mi bulelela za lifasi, mu ka lumela cwani ha . . . ni mi bulelela za lihalimu?

266 Cwale muteeleze ku se fa. Mutalime.

Mi hakuna ya kambamezi kwa lihalimu, konji ya tulukile kwa lihalimu, yena Mwana mutu ya inzi mwa lihalimu.

267 Mu tokomele taba yeo.

268 Mwa ziba, nako yeñwi, Na ize, “Mu nahana sikamañi ka Kreste? Ki Mwana Mañi yena Yoo?”

Se bali, “Ki Mwan’a Davida.”

269 Ki hali, “Cwale kiñi Davida, mwa Moya, hana ize ku Yena, ‘Mulena naize ku Mulena ka, “U ni Ine ku la Ka la bulyo”’? Kana Ukona kuba cwani Mulena Hae ni Mwana Hae?” Hakuna mutu ya Mu buza sika.

270 Mwa Sinulo, Na ize, “Kina Mubisi ni Mwan’a Davida.” Mwabona? “Kina Kota ni Mutai. Kina wa makalelo. Ne ni liteñi kusikaba kale makalelo. Ne nili na wa makalelo, mi—mi nenili Na Mwana yazwile ku Yena, hape.”

271 Cwale, fa Na ize, “Hakuna mutu ya kuzwa kwa Lihalimu, kono Mwana mutu ya inzi mwa Lihalimu cwale.”

272 Kalibe na ni buzize, nako yeñwi, puzo. Se nili, “Ni alabe ye.”

Ali, “Ki mañi yana lapela Jesu, mwa simu ya Getsemane?”

273 Se nili, “Ki mañi ya Na bulela ha Na ize, ‘Hakuna mutu ya kambamezi kwa Lihalimu, konji Yena ya zwile kwa Lihalimu, mane yena Mwana mutu yali mwa . . . ya li mwa Lihalimu cwale?’ Kimañi?”

274 Ki Yo fa, inza yemi fa situwa sa ndu, u ambola ni Nekudema, mi ali, “Ni mwa Lihalimu.” Ki niti yeo? Halu tuheleni zeo kufitela busihu. Mu bulela sikamañi? [Kopano ili, “Amen.”—Mu.] Se li busihu luli. Oh, mawi! Mu nahane fateni fa nako nyana, musihali wo.

275 Kana ukena cwani mwa Keleke? [Kopano ili, “Kupepwa.”—Mu.] Kupepwa. Ka sikamañi? Ki ka Moya wa Mulimu.

Bululela ku na, bululela kuna;

Moya wa Mulimu yapila, bululela kuna.

276 Yeo kona tapelo yaka: lumeleza fela Moya o Kenile u buyele. Oh, mawi! Kakuli, Bupilo bwa Mulimu, ki sikamañi Sani? Ku swaiwa mwa Mubuso wa Mulimu, ka kuziba cwalo, hane Ni bulezi pili, Na lumela Jesu Kreste. Eehe.

Mi, kwa Tumelo yaka, Ni ekeza mata, mata a bumulumu.

Mi kwa mata aka, Ni ekeza zibo ya Linzwi.

277 Kwa zibo ya ka, Ni ekeza buiswalo, kutiya mwa buiswalo. Na lata cwalo. “Naha yaka, ki ya hao, ni apesa moyo waka

ka buiswalo, kuzwa kwa liwate le kuya kuleliñwi le li benya.” Mwabona?

278 Pilutelele. Oh, mawi! Kutatubiwa. Musike mwa bilaela; Satani uka mi balela zona. Niya ni pahama manela cwale. Mwabona? Ni ekelize mata, zibo, buiswalo, cwale Ni na ni kukeza pilutelele. Ha ni sina Moya o Kenile.

279 Mi hasamulaho Ni mano ekeza pilutelele, Na ekeza bumulimu. Mwa ziba kuli kiñi seo? Sina Mulimu. Na ekeza sani. Ha ni ezi ka bukuba. Ni zamaya sina muuna wa Mukreste mwa swanela kuzamaela. Seo si si ke sa ba sapalo fela. Sesiñwi kuna, lilato la Mulimu, lisweli fela ku bila. Mwabona? Mwabona? Isiñi kubulela kuli, “Uh-uh-uh-uh, mushimani, Na kona kueza cwalo, kono mwendi Ni sike na eza cwalo.” Mwabona? Huh-uh. Huh-uh. Liteni, nihakuli cwalo.

280 Ki Kupepwa. Ni pepezwi *mo*, ni *mo*, ni *mo*, ni *mo*, ni *mo*, ni *mo*, ni *mo*. Mi kipeto lilato la Mulimu, Kreste, litaha fafasi ku to swaya zani kaufela kuna, kwa sebelezo. Mwabona?

281 Konakuli ki sikamañi Sa eza ha Ni fa Moya o Kenile? U ku beya mwa sibaka se si shutana ku wena, wa kuswaya. Mwabona? U mutu ya shutana fo cwale. Wena ha u sa li wa lifasi, ni hanyinyani. Mwabona? U apezi ze shutana. U tinile ka kushutana. Isiñi ndelesi ya kwande ye. Batili, batili. Hau lukeli kuba ya ipitezi ni ya ikemezi, ni kola ye futukezi kwa mulaho, ni mukiti omutelele, cwalo. Batili, batili. Ha muezwi cwalo. Wena utine ka butu, sina cwana. Ki sapalo sa moya kona se sili butokwa. Sapalo sa sinawenga si beilwe ku wena. Ki sikamañi so li sona?

282 Sina Jesu, mutalime, Na kwahezwi, mi A fetuha fapila bona, mi sapalo sa Hae sa benya inge lizazi. Ki Yani nali fani, Jesu, Mulimu inza tomahanya Mwana Hae Tota. Mwabona? Mi ki ha kutaha Mushe. Mi ki ha kutaha Elia. Mi Pitrosi ali, “Wa ziba, ki—ki nto yende kuba mo.” Mwabona mutu mwa belanga? Ehe. Oh, za buipiteli ne liezizwe! Ali, “Ha lu yaheñi bibuma byebilalu. Lu yaheñi sesiñwi sa Mushe, mi sesiñwi sa Elia, mi sesiñwi sa Hao.”

283 Mi asika feza kale kubulela, Mulimu akwala taba kaufela, ali, “Yena yo ki yena Mwana Ka ya latwa. Mwa lika ze kaufela ze Ni tokwa ku Mushe, ni kubeya mulao ka Mushe; kuluka ka bapolofita; U kwanile ku zona kaufela. Mu Mu utwe. Ni ka zwa mwa siswaniso cwale. Mu Mu utwe fela. Mu Mu utwe fela.” Oh, mawi! Ha ki nto kwa bunde ni yeo!

284 Mi, cwale halu fitile fa linepo zee, mi lutezi maikuto a Mulimu ni lika za Mulimu, kipeto Moya o Kenile utaha fafasi ku to lu swaela mwa Mubuso. Musike mwa bilaela. Mañi ni mañi uka ziba kuli u na ni Ona. Hauna kubulela kuli, “Kihande, kanya ku Mulimu, Ni ziba kuli Ni na ni Ona. Ni bulezi ka malimi. Kanya ku Mulimu, Ni ziba kuli Ni na ni Ona. Ni binezi mwa Moya nako yeñwi.” Ha una ku bulela linzwi ka zona. Mutu kaufela uka ziba

kuli una ni Ona. U sike wa bilaela. Eehe. U ka i pakela isali Ona. Uka u zibahaza mwahala batu.

²⁸⁵ Mulimu ami fuyole. Ki tabo hahulu kuba mo ni mina kakusasana cwana, fa kuba ni nako ya kopano ye. Muteezeze, keleke ya luna ye ki yenyinyani, mi kanti haluna sibaka sesituna sa batu kuli baine mo. Luna ha lu kopano. Lwa lumela ni kuba ni sebelezo ni kopano ifi kaufela. Mutahanga fela kwanu kakuli mu bata kutaha. Mi mane mina, awa lwa mi lata. Mi lu bata kopano ifi kaufela, mutu kaufela . . .

²⁸⁶ Ni lumela kuli kuna ni sicaba mwahala likopano zani kaufela ki Bakreste. Ki mizwale ni likezeli ku Kreste.

²⁸⁷ Kacwalo, kabakaleo, haluna mihala, haluna za kuikopanya ka zona, haluna sa kueza kwanda kuba fela Mukreste. Sina E. Howard Cadle hana bulelanga kuli, “Haluna mulao kwanda lilato, haluna buka kwanda Bible, haluna tuto ya tumelo kwanda Kreste.” Yeo ki niti. Mutahe mu to lu potela ni luna. Lu tabile kuba cwalo. Lu lumela Evangeli Yetezi, siemba kaufela sa Linzwi. Lu lumela handende ka nzila ona yeo. Ha lu ekezangi sika ku Yona, kuzusa sika ku Yona, ku ekeza sika sa kopano ku Yona. Lu Li tuhela fela ona cwalo mo Li inezi. Kona cwalo. Mi lu tabile kamita ku mi amuhela. Mutahe mu to ba ni luna haiba mu kona. Lu lapelelanga bakuli. Lu lumela lika kaufela ze i bulela Bible kuli lueze. Lu sweli “kulibala mifokolo ya luna, kwa mulaho, mi lusweli kuya kwa sibaka sa Pizo ye pahami.”

²⁸⁸ Cwale, nto iliñwi fela. Kikuli mu ka lumeleza kuli ibulelwe? Zazi la maloba kakusasana. . . Mu ka lemuha fa—fa limati kwani, pono. Ne nina ni pono. Neli ka faifi kiloko, sina musala ka kwa mulaho kwani mwa zibela, kamba sikisi. Ne ni zuhile. Ne se lu zuhile kuli lu lukise banana ba ye kwa sikolo.

²⁸⁹ Ni banga fela ni zona fa ni fa. Mi kaufela mwa ziba, mañi ni mañi wa mina mo, kuli ha li palelwangi. Zona, zona ki lipetehile luli. Mwabona? Ha li palelwangi.

²⁹⁰ Mi Na hupula kuli Ne nili mutu ya tabile hahulu ku be Ni kile nabona fateni. Ne ni yemi mwa lizazi, l-i-z-a-z-i, mi ne—mi ne ni kutaza Evangeli kwa kopano yetuna, yetezi batu.

²⁹¹ [Muzwale Branham wa kutumana—Mu.] Ne ni bata fela kubona haiba ne i tepiñiwa.

²⁹² Neli—neli kopano yetuna, kopano ya nyangela luli, mi ne ba inzi mwa mushitu. Mi liseli la lizazi ne li ba monyeha, neli inge fa ni fani, inge ba ikutwela Lona, inge ba amuhela Linzwi.

²⁹³ Mi Na, sina kamita, ni banga ya liyeha ngana, kwa kucaisa, ni kutazanga nako yetelele. Mi Na kutaza fa nako yetelele luli, kufitela kopano i lapa kubata buhobe. Mi bona, babañwi ba bona ba katala luli. Kona kuli se bananuha fela, ku yo itekela lico, ba kala kuzwela fande.

Se nili, “Musike. Musike.”

294 Ne ni na ni zepeli zabutokwa ze ne Ni bata kufeleleza, Ne ni bata kufita ku zona mwa kutazo yaka. Mi Mulena na ni file zona. Mi mukutazi kaufela wa ziba, haiba luli uziba kuli ki Mulimu ya ku file zona, u ka ikutwa kutuka mulilo kuli u bulelele sicaba.

295 Mi ne Ni sweli fela ku kutaza, Charlie, ka tata fela mo ne Ni konela ku kutaza, ku li beya fela ona cwalo, wa ziba, ni kubulela kuli, “Lika zetuna ze kaufela, za sweli kueza Mulimu. Mutalime ku se. U lemuha milelo ya mwa pilu. Ki sikamañi Seo? Ki Linzwi.” Ni kuya ona cwalo. Mi, oh, Ni lakaza kuli kambe Ne ni ka hupula sene Ni bulela ni kuli palo yaka neli ifi. Ha ni sa i hupula. Mwabona? Kono Ne ni sweli fela kukutaza katata.

296 Mi ne Ni sweli kuitalima. Mi cwale hane Ni yemi fani, inge ni talimela, ni kuipuha inge ni Li kutaza.

297 Mi Ne ni sweli fela kukutaza, ku ya na sa zibahali kamba wa utwa. Mi kasamulaho nyana, Na nanuha, mwa ziba, mi Na hupula kuli, “Kanya ku Mulimu!” Se nili, “Mutalime lika zende ze, ni se, sani!”

298 Ona foo, Na lemuha kuli sicaba sa kala kubonahala kuba ni tala mwa limba. Kona kuli ne bana ni zeñata za moya, kacwalo se ba kala kuzwela fande. Mi babañwi ba bona [Muzwale Branham ushanya ñongo—Mu.] ba kala kuzwela fande.

Na hupula kuli, “Ki butata mañi bobuli ni mutu ni mutu?”

299 Mi—mi Na talima, mi fa ne kuna ni baba sa zo nyalana, kwa neku la ka. Na hupula kuli . . . Se nili, “Fa muzuzu fela, mulikani! Fa muzuzu fela! Mu ka kuta hape miluti ya manzibwana ha se i yambalakani.” Mwabona? Se nili, “Mu ka kuta hape. Kono haluboneñi ni mife za butokwa za mafelelezo ze. Lika ze kaufela lizwelela kai, ze Ni mi bonisize? Li zwelela kai?” Se nili, “Ki ze mo. Lizwa mwa Linzwi la Mulimu. Ki za kuli SA BULELA MULENA KISONA, sepiso ya Hae. Kakuli,” Se nili, “kaufela mina mwa ni pakelaa, mwa paka cwalo, kuli tumo yaka ki kuli, ‘Ina ni Linzwi.’” Se nili, “Ki butata mañi bobuli ni mina kaufela? Kikuli ha mu utwisisi Linzwi? Mu lukela ku Li utwisisa.”

300 Mi babañwi ba bona bali, “Muuna, Ni tabela kuba ni mbisikiti,” ni zeñwi cwalo.

301 Kihande, Na hupula fela kuli, “Kihande, kanya ku Mulimu! Haiba ba bata ma mbisikiti, ha ba zamaye ba yo ikungela ona.”

302 Kacwalo Na—Na sikuluha. Na hupula kuli, “Oh, kono, mwa ziba kana? Miluti ika yambalakana, kasamulaho nyana, ona fa.” Se nili, “Mi, busihu boo, kopano yeo hai ta kopana hape, Ni ta ba fa ze pahami, ni kuba bulelela kuli lika ze ba ni boni nieza li fumaneha mwa Linzwi la Mulimu, isiñi mwa buka fela ya litangu kamba kopano yeñwi. I fumaneha mwa Linzwi. Mwabona? Kalulo yateni kaufela, mwa Linzwi, kakuli Ni lumilwe ku Sani.”

303 Na hupula kuli, “Mwa ziba, bona ba ka, mañi ni mañi, mutahe busihu boo, kona mo Ni ka ezeza. Ni ka kutela

hanyinyani mwa mulaho, kukutela nyana mwa mulaho.” Mwa ziba mo Ni ezezanga mwa masika a likeleke aa ni lika zeñwi, kubulela ze ne Ni bulezi sapili. “Ni ka kutela fateni, fa Linzwi, mi cwale ni zetuna ze, zepahami ze makaza.” Se nili, “Ki nako ye cwani! Ku lumbwe Mulimu!” Mi Na ipona inge ni ya ni ba yomunyinyani, mi na utwa kuli, “Ku lumbwe Mulimu.” Na ipona inge ni ya ni ba bunyinyani *cwalo*. Mi ki Na yo fa, inge ni yemi fani.

³⁰⁴ Cwale, ki ye toloko ya yona. Mwabona? Taba yapili ye Ni ezize, lika ze ezahalile, libile kunutu kwa sicaba, buñata bwa zona. Ha ni talusi Evangeli Yetezi ni ba bakenile ba Mulimu, kono, Ni talusa, mwahala batu kaufela. Mi ha mu lati kutalima fa lifasi, kosmos muezezo wa lifasi, sina Liñusa la Mulimu. Ha mu ya mu bulela kuli . . .

³⁰⁵ Sina Boze ha na bulezi kuli, “Na kamita ni bile . . .” Ali, “Ne ni bile ni tolo, lilimo za kwa mulaho, kuli—kuli Mulimu u ni luma kwa Chicago ni ku yo nyunga Chicago kwa kanya ya Mulimu.”

Se nili, “Joseph, U ezize kale zeo.”

“Kiñi,” ki hali, “ha ba si ka zikinyeha kuzwa kwa nako ya Moody.”

³⁰⁶ Se nili, “Zeo? Ni bulela ka za Keleke. Woo ki musili wa tobolo kulo kwani. Lani ki liluli fela la lifasi, sikwata sani ne si sweli ku zamaya mwa mikwakwa, bo Jezabele inge ba ipentile ni lika kaufela.” Se nili, “Kwani ki kwande koo. Mandu a baenyi ani amatuna ni lika zeñwi li ka bulumuka ni kuwela mwa mikwakwa kwani.” Se nili, “U bulela za Keleke. Keleke yeboni sinulo ya Jesu Kreste ha i bonahala, mi ba I lemuha. Hakulata ha bakoni kufitelela lishumi ni baketalizoho mwa Chicago. Haku koni kuba baba lishumi mwa lusika lo, kuzwa mwa muleneñi kaufela wa Chicago, ba ba ka taha.”

³⁰⁷ Kana mukile mwa nahana cwalo? “Sina mo ne kuinezi mwa mazazi a Nuwe, ku kaba cwalo ni mwa lizazi la Kutaha kwa Mwana mutu, mo ne ku pilisizwe fela mioyo ye ketalizoho ka yemilalu.” Uh-huh. Ki babakai baba zwile mwa Sodoma? Mwabona se Ni talusa? Na kakanya haiba ku kaba baba tala lizoho mwa buñata. Mwabona?

³⁰⁸ Kono Keleke yona Kasibili i amuhezi ku nyungiwa. Ba ku lemuhile. Ba ziba Linzwi. Ba boni Linzwi ha Li iponahalize, mi ba Li lemuha. Cwale mutalime seo fa muzuzu nyana, cwale.

³⁰⁹ Mi Liñusa la pili le, ha ba Li bona, mañi ni mañi a Li matela, ali, “Oh, kanya ku Mulimu! Oh, kambe Ne ni ka bona *se, sani*, ni *sesiñwi*.” Mi ba ya ona cwalo, ka mo ne ba kenezi. Mwabona?

³¹⁰ Mi cwale ba nahana kuli, “Kihande, Ha ni zibi. Ki kai ko mu ka ikopanya? Ha Ni sa tahi ku *se*, kukaba ka nzila *ye*. Mi Ni ka lelekelwa kwande, kwanu, mi Hanina kuba ni sesiñwi *mo*.” Mizwale baina fafasi ni kubulela kuli, “Kihande, ki sikamañi se

Ni ka eza haiba Ni . . . ?” Mwabona foo? Habana ku tuhela fa nako yetelele kuli ba lemuhe kuli Ki Linzwi la sepisize Mulimu, ha li iponahaza. Mwabona? Mi ba ikela kusili.

³¹¹ Kono, musike mwa bilaela, miluti i sutelezi bukaufi, mwabona, ha Ni kutela mwa simu.

³¹² Mwa hupula, busihu bobuñwi, ka Liñusa la Na ni file kwa mulaho kwani ha Ni toma licwe la mwa lilulu? Ona cwalo fela. Ali, “Eza musebezi . . .” Ali, “Ha u ka zwa mwa pono ye, ubale Timotea wa Bubeli 4.” Mwa ziba, liteni ona mwa lilulu la licwe lani, myaha ye mashumi amalalu ni zetalu kwa mulaho.

³¹³ Ali, “Eza musebezi wa mubuleli, u bonahalise bupaki bwa bulumiwa bwa hao ka kutala. Kakuli nako ya taha ha ba si ke baiseza ngana kwa kuteleza Tuto ye pilisa; kono ka kuya ka litakazo zabona kabakala ku baba mwa lizebe; ba ka ya kwa matangu . . . ba ka zwa kwa Niti kuya kwa matangu.” Haiba nji zeo ha li si ka ezahala, fela linzwi ka linzwi! [Hakuna manzwi fa tepu—Mu.]

³¹⁴ Kono, muhupule, cwale, busihu bobuñwi, hane Ni si ka bala zeñwi zateni. Lilimo ze mashumi amalalu ni zeñwi ze Ni kotalize mwa tabernakele mo, kwali kuba nihaiba nako iliñwi fo Ni kile na fitelela sani, mi ha Ni zibi libaka.

³¹⁵ Na komokanga kamita, kufitela, zazi leliñwi, Na bona foo Jesu na ngile Litapa ni kukala kubala, ni kubala licika la bupolofita, ni kuyemela, ni kubulela kuli, kwani kwa Kapernauma, Ki hali, “Mi zazi le, bupolofita bo bu talelelizwe.” Kiñi ha Na si ka bala kaufela zona? Ne li ama Kutaha kwa Hae kwa bubeli. Mwabona?

³¹⁶ Mi Ne ni balile sani, kusina kuziba. Na nopa sani, mi ki sani fani, ona fapila ka, kwa Southern Pines, South Carolina. Kakusasana wani, inge ni yemi kwani, ne ni ambola ni Joseph Boze, inza yendamezi kwa matuko a mota, Na i nata. [Muzwale Branham uliza minwana ya hae—Mu.] Paulusi naize, “Ni . . . Batu kaufela ba ni fetuzi. Hakuna mutu ya inzi ni na. Demasi u ni hanile; kulata lifasi la kacenu le. Mi Na cwale . . .” Mutalime. “Mi mumbuti wa lisipi za kopa u ni ezize maswe hahulu.”

³¹⁷ Mutalime sa na lukela kunahana Demasi: “Kiñi, Ni boni Paulusi a kutaza Evangeli ni kufolisa bakuli. Mi ki yo uinzi fa, inza nyanda, yena kasibili, uzamaya ni dokota kwaya kaufela, Luka. Nako kaufela ha na funduka, na zamaya ni dokota hamoho, muuna ya na kutaza foliso ya Bumulimu. Kiñi, Ni mu boni ha nata mutu bubofu. Ali, ‘Mulena aku kalimele, mi ukaba sibofu fa nako nyana.’ Mi atuhelela kuli mumbuti wa lisipi za kopa a mu leleka mwa mukopano. Ni sepa u felezwi ki mata a kunata batu ka bubofu. Bumai, u latehezwi ki mata a hae a foliso ya Bumulimu. Mulimu u mu fulalezi.”

318 Ha ni sepi kuli Demasi naile mwa lifasi, kakuli Demasi ne li wa . . . Mwa ziba likande la hae la kale. Nali wa lubasi lo lutuna, lo lu fumile. Mi na bata kuya ni sikwata sesiñwi.

319 Kono, Paulusi, Paul yomunyinyani wa mubotana. Neli sikamañi sani? Mulimu kamita u lumelezanga bulumiwa bo bu cwalo, mi kipeto wa bu apesa mushukwe.

320 Na tuhelezi Jesu kufita fa sibaka. Kutalima fani. Kanti Na ka zusa bafu, kanti Na ka eza kaufela za Na bata; ni kutuhela musole wa Muroma anyunga sifateho sa Hae, ni ku Mu kwela mati kwa sifateho. [Muzwale Branham u eza lilata la kukwa mati—Mu.] Ku Munata fa . . . Ku Mu beya lisila kwa sifateho, ni kubulela kuli, “Cwale, Wa ziba, ba ni bulelela kuli U Mupolofita wena.” Kaufela bona ne ba yemi bukaufi ni mataka a nuka, ni ku Mu natisa ona kwa toho. [Muzwale Branham unata nto yeñwi.] Bali, “Cwale lu bulelele ya Ku natile.” Na ziba kuli ki mañi yana Mu natile. Uh-huh. Luli. Na mu ziba. Mwabona? Kono bulumiwa bwa Hae ne bu libelela ku fiwa mushukwe.

321 Kamita si fitanga fa sibaka seo fo kubonahala inge kuli ki niti, ka bufokoli luli, mane kubata fela kuyonga, kipeto Mulimu wa apesa teñi mushukwe.

O Mulena, ha li ezahale. Ha li ezahale, Mulena.

Halu inamiseñi litoho za luna.

Na Mu lata, Na Mu lata
Kakuli Yena pili . . .

Cwale mu Mu lumbeke. Lubile ni tuto yetata.

Ni kuleka puluso yaka
Fa kota ya Kalvari.

322 Halu nanuleñi mazoho aluna ku Yena.

Na . . .

Cwale mube mwa Moya, mwabona, “Na Mu lata.”

. . . Na Mu lata
Kakuli U ni latile pili.
Ni kuleka puluso yaka
Fa kota ya Kalvari.

323 Cwale, halu yemeñi, ka mautu.

Mwa pina yaluna yenyinyani ya kuzwa ka yona, luopele timana yapili, lu ka swalana mwa mazoho yomuñwi ni yomuñwi; timana ya bubeli, lu ka iopelela ku Mulimu. Ku lukile. Mi kona lu ka lukuluha.

Cwale, halu opeleni:

Unge Libizo la Jesu,
Mwana wa manyando ni bumai;
Li ka kufa tabo ni nyakalalo,
U Linge kaufela ko uya.

Libizo Lelinde, O kwa munati!
 Sepo ya lifasi ni tabo ya Lihalimu;
 Libizo Lelinde, O kwa munati!
 Sepo ya lifasi . . . Lihalimu.

324 Cwale, muhupule se, cwale. Ni ka kupa muzwale yomunyinyani, fa, ye ne Ni niinzi ni yena mwa muzuzu mizuzu nyana yefitile; ki—ki muzwale yomunde yomunyinyani, mulumiwa wa Assemblies mwa lihalaupa kwanu; Ni libezi libizo la hae, Ni ka mu kupa kuli, alu lukulule mwa tapelo lu sa opela fela timana yetatama ye:

Unge Libizo la Jesu,
 Kuba tebe kwa sila kaufela;
 Mi miliko ha i ku potoloha,
 Bulela fela Libizo leli kenile lani mwa tapelo.

325 Mutalime mioya ye maswe haizwa cwale. Mwabona? Cwale, muhupule:

Unge Libizo la Jesu,
 Kuba tebe kwa sila kaufela;
 Mi miliko ha i kupotoloha,
 Tuhela fela, ni kubulela Libizo leli Kenile lani
 mwa tapelo.

326 Utalime se si nga sibaka. Ku lukile. Kaufela hamoho cwale.

Unge Libizo la Jesu,
 Kuba tebe kwa sila kaufela;
 Mi miliko ha iku potoloha, (Ki sikamañi so eza,
 cwale?)
 Bulela fela Libizo leli Kenile lani mwa tapelo.
 Libizo Lelinde, (Libizo Lelinde!) O kwa
 munati! (O kwa munati!)
 Sepo ya lifasi ni tabo ya Lihalimu;
 Yomunde . . . , (. . . ? . . . mwabona musizana
 yomunyinyani yani . . . ? . . .) Oh kwa munati!
 (Taha kwanu, mulatiwa.)
 Sepo ya . . .

327 Hamunze mu yemi mo: Nako ya mafelelezo hane Ni li kwa tabernakele, kwanu (Me cwana nasweli kuseha ni kusupa mbututu.), mbututu yo nali mwa tali ni masila. Ki yo fa, usweli kumata mata kai ni kai mo, usweli kubapala hande kaceny. Nji cwani ha ki not yende yeo? Kulumbwe Mulena. Cwale, talima kwanu: Mulatiwa, ha ku tule u ba bonise, ona foo, mo kona kumata matela. Mwabona?

Oh, Libizo lelinde, (Muhupule, Mulalelo
 busihu boo, cwale.) . . . kwa munati!
 Sepo ya lifasi ni tabo ya Lihalimu;
 Libizo Lelinde, O kwa munati!
 Sepo ya lifasi ni tabo ya . . .

³²⁸ Cwale halu inamiseñi litocho za luna. Mi muhupule lisebelezo busihu bwa kacenu, cwale; mi ki busihu bwa Mulalelo. Mi kaufela muhupule cwalo, mina, ba bali Bakreste, lu mi mema kuli mutahe mu to ca Mulalelo ni luna. Lu kulubela nako yende.

³²⁹ Mulisana wa luna yomunde, kwanu, Muzwale Neville, ni . . . Ki babakai baba lata Muzwale Neville? Muli, “Amen.” [Puteho ili, “Amen.”—Mu.] Muteezeze, mizwale, mu ni teezeze sina . . . sina alimuñwi wa balisana mo mwa tabernakele: Mu swalisane ni Muzwale Neville. Mupile ni yena. Mwabona? Ki mutanga wa Krete. Mupile ni yena. Bibeke ibulezi kuli, “Ha lu putehaneñi hamoho: mi sihulu ha mubona kuli lizazi le li maswe le li atumezi.” Mutahange kwa lisebelezo, mutahe; halu keneñi hande mi luyemeñi kwa neku la mulisana wa luna. Mwabona? Mupile hande ni hamoho . . .



MABIZO A NYEFULA LOZ62-1104M
(Blasphemous Names)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusana, Njimwana 4, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitisiswe ki mutu kamba kuli ifiwe ku yomnwi, mahala feela, kakuba siituiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org